

# GLAS SLOBODE



# ГЛАС СЛОБОДЕ

Zvanični list Socijaldemokratske partije Bosne i Hercegovine • septembar / rujan 2016. godine • Званични лист Социјалдемократске партије Босне и Херцеговине

# SDP

## Za sve nas!



ČLANSKA KARTA SOCIJALDEMOKRATSKE STRANKE BOSNE I HERCEGOVINE

Socijaldemokratska partija je najstarija politička organizacija u Bosni i Hercegovini. Sve druge stranke koje danas djeluju nastale su početkom 90-ih godina prošlog stoljeća ili kasnije, dok se tradicija aktivnog rada naše partije proteže duže od stoljeća. U ovih 107 godina partija je zajedno sa zemljom prošla kroz velike promjene i prevrate, ali smo, baš kao i Bosna i Hercegovina, sve to prebrodili i opstali. U javnosti se najmanje zna o prvim godinama i nastanku partije, stoga smo odlučili napraviti kratki hronološki koji ćemo objavljivati u nastavcima. U ovom broju čitate o prvim koracima naše partije, prvih pet godina sve do početka Prvog svjetskog rata.

#### 1909.

Vodeći ljudi radničkog pokreta u BiH osnivaju **Socijaldemokratsku stranku Bosne i Hercegovine**. Tako je zaokružen dugogodišnji proces formiranja modernog radničkog pokreta koji je u našoj zemlji sada dobio i svoje političko tijelo. Za prvog predsjednika izabran je Sreten Jakšić, a najviše partijsko tijelo je Glavni odbor koji broji trinaest članova. Socijaldemokrati usko sarađuju sa Glavnim radničkim savezom kao krovnim sindikalnim udruženjem u BiH, na međunarodnom planu stranka je članica II internacionale.

Glavni cilj stranke bilo je uvođenje socijalizma, koji bi se kroz ostvarenje političkih sloboda, ravnopravnosti naroda, ostvarenje ekonomskog blagostanja radnika i rješavanje agrarnog pitanja u potpunu korist seljaka. Socijaldemokrati su također zahtjevali proširenje ovlasti Bosanskog sabora na sva pitanja koja se tiču BiH te da Vlada bude odgovorna Saboru. Zahtjevali su donošenje modernog demokratskog ustava, ukidanje konfesionalnog kurijalnog izbornog sistema, te za opće, jednako, tajno i neposredno pravo glasanja. Na međunarodnom nivou zalagali su se za ukidanje kolonijalizma te za ostvarenje internacionalnog socijalističkog društva.

#### 1910.

Održan drugi Kongres Socijaldemokratske stranke BiH. Pored 93 delegata Kongresu prisustvuje i šest gostiju, predstavnika socijaldemokratskih stranaka iz susjedstva. Stranka utvrđuje svoje stavove prema jugoslovenskom pitanju i problemu agrarnih odnosa, biraju se i novi članovi Glavnog odbora. Kongres je konstatovao formiranje mjesnih odbora u mnogim gradovima, a stranka je u tom momentu brojala 1.704 člana.

#### 1911.

Otvoren Radnički dom u Sarajevu (današnja Kinoteka BiH), u jednom krilu doma smještena je Socijaldemokratska stranka BiH, u drugom krilu je Glavni radnički savez BiH, a u domu je prostorije imala i redakcija Glasa slobode. U to vrijeme različita nacionalna društva podižu svoje domove, radnički pokret odgovara uspostavljanjem ove institucije, gdje će se okupljati građani koji problem vide u klasnoj, a ne u nacionalnoj podjeli. Dom je kupljen prilozima radnika i radničkih organizacija iz cijele zemlje. U kancelarijama, bifeu i salama Radničkog doma bilo je kao u košnici, svakodnevno su se odvijali sastanci, tribine, rasprave, kulturne manifestacije i edukacije radnog naroda, planirali su se štrajkovi, pisali se pamfleti i organizovale razne akcije.



# PRVIH PET GODINA SOCIJALDEMOKRATSKE PARTIJE BOSNE I HERCEGOVINE

Iste godine održan je treći Kongres Socijaldemokratske stranke. Posebna pažnja data je pitanju borbe za politička prava i slobode radnog naroda, te stavu socijaldemokrata spram kolonijalnog pitanja. Stranka u tom momentu broji 2.077 članova, a najbrojnije organizacije su u Sarajevu (1.281), Tuzli (200), Zenici (130), Banjaluci (126) i Mostaru (112).

#### 1912.

Zajedničkim naporima Socijaldemokratske stranke i Glavnog radničkog saveza održana je **Osnivačka skupština Saveza mladih radnika**. Zadatak organizacije je bio da po cijeloj BiH okuplja omladinu i radi na njihovom organizovanju i pripremi za radničke, strukovne i političke organizacije. Bila je to naša prva omladinska partijska organizacija. Vlasti su zabranile rad Savezu mladih radnika već naredne godine, ali se on obnovio 1918 godine, kao posebna stranačka sekциja - Organizacija socijalističke omladine. U Sarajevu je 1912. godine osnovano i prvo sportsko radničko društvo „Hajduk“. Zadatak društva bio je da kulturno i moralno vaspita radničku omladinu, a pažnju su plijenili po tome što su u ono vrijeme bili jedini multinacionalni klub. Nastupali su u najjačim ligama, a igrali su u crvenim dresovima. Klub je postojao sve do kraja Drugog svjetskog rata.


#### 1913.

Radnički pokret jača i ubrzano raste. Na prvomajskim protestima bilježi se više od 10.000 radnika, što stvara pritisak na vlast. Pod izgovorom vanrednog stanja 3. maja Zemaljska vlada raspušta sve radničke organizacije. Na petom Kongresu Socijaldemokratske stranke predsjednik Sreten Jakšić žestoko kritikuje ovaj potez Zemaljske vlade, a stranka se priprema za nove saborske izbore. Na Kongresu se posebno ističe kako su socijaldemokrati jedina partija u kojoj žene imaju puno pravo učešća i koja potiče ravnopravnost spolova, u tom momentu stranka broji 68 članica.

#### 1914.

Atentat na Austro-Ugarskog prijestolonasljednika Franca Ferdinanda biva povod za početak **Prvog svjetskog rata**. Odmah nakon atentata uslijedilo je podizanje nacionalnih tenzija te sijanje šovinizma i mržnje sa ciljem ratne mobilizacije širih narodnih masa. Socijaldemokratska stranka tada energično ustaže protiv raspaljivanja međuetničkih i međuvjerskih neprijateljstava.

Nakon što je Austro-Ugarska proglašila rat Srbiji mobilisan je veliki broj građana, među njima i većina članova partije i aktivista radničkog pokreta. Ratno stanje je dovelo do masovnih suzbijanja političkih prava, a na posebnoj meti su bili socijalisti zbog svog antiratnog raspoloženja. Vlasti su ubrzo donijele odluku o zabrani rada svih socijalističkih političkih, strukovnih i drugih organizacija. Zabranjeno je i štampanje sve socijalističke štampe. Partija je potresena ali će se naporima i istražnošću svojih aktivista uspijeti održati i u ovim teškim godinama. Nakon rata partija obnavlja svoj rad, oživljava svoje organizacione jedinice i u okvirima nove države djeluje masovnije i žešće nego ikada ranije, o čemu možete čitati u narednom broju.



## Bosna i Hercegovina moguća je samo na principima zajedništva, multietničnosti, pravde i jednakosti svih na svakom pedlju njene teritorije

Socijaldemokratska partija Bosne i Hercegovine krajem ovog mjeseca navršava 107. godina rada i djelovanja.

Burna historija Bosne i Hercegovine u ovom periodu obilježena je velikim stradanjima i borbom naroda i građana ove zemlje, prije svega za slobodu i pravdu.

Socijaldemokrati i ljevičari svih profilacija uvijek su bili dio te borbe i upravo je borba za slobodu ključna odrednica djelovanja Socijaldemokratske partije BiH kroz cijeli ovaj period.

Sve je počelo u vremenu kada je BiH anektirana od strane Austro-ugarske monarhije i kada je obnovljen rad bosanskog Sabora. U tom periodu dolazi do formiranja prvih političkih organizacija u BiH, koje su tada manjom bilo određene etničkim odrednicama. U takvom ozračju, sa željom i uvjerenjem da se bori za prava svih ljudi u BiH podjednako, oformljena je Socijaldemokratska stranka. Od tada do danas, upravo je SDP ostao vjeran toj temeljnoj ideji da je u ovoj državi nemoguće voditi politiku na isključivoj želji da se brane interesi samo jednog naroda.

Mi u SDP-u smo kroz ovih 107 godina pokazali da se samo na poštivanju prava svih građana podjednako može graditi stabilnost i prosperitet ove zemlje.

U ovom dugom periodu dio naše partije bili su neki od najboljih sinova i kćeri naše zemlje, stajali su na braniku univerzalnih vrijednosti slobode, jednakosti i solidarnosti, borili se za socijalnu pravdu i bolje sutra svih građana, naročito onih potlačenih i obespravljenih. Mnogi od njih dali su svoje živote za ta uvjerenja. Naša je obaveza da te ljude nikada ne zaboravimo i da svi učimo na njihovom primjeru.

Iako su se okolnosti u kojima djelujemo stalno mijenjale, vjerujem da smo i poslije tri užasna rata, velikih previranja i društvenih promjena, ipak, ostali dosljedni svojim temeljnim vrijednostima. Postoji još jedna neizmjerno važna činjenica koja će od tog dana do danas snažno utjecati na društvo u kom živimo. Tog 28. i 29. juna 1909. godine Bosna i Hercegovina je dobila svoju prvu savremenu multietničku političku partiju.

Tada, kao i danas, javnim i političkim prostorom Bosne i Hercegovine harale su etno-nacionalne elite čije se djelovanje, umjesto borbe za dobro svih građana, svodilo na prebrojavanja krvnih zrnaca i međusobne sukobe šta je čije i šta kome pripada.

Tada, kao i danas, socijaldemokrati su bili jedina alternativa, jedina politička organizacija koja se suprotstavljala konceptu etničkih podjela i govorila da Bosna i Hercegovina pripada svima i da svaki čovjek bez obzira na svoju vjeru, naciju, porijeklo, ekonomski i društveni status, treba biti jednako tretiran. Da čovjek treba biti vrednovan prema onome šta, kako i koliko radi, a ne prema identitetu koji je odabrao ili stekao rođenjem.

Zato je pred nama SDP-ovcima danas, nastavak ove borbe.

Bosna i Hercegovina ponovo je poligon na kojem se pokušavaju uspostaviti podjele po isključivo etničkom principu. Osim teritorija koje se žele označiti kao ekskluzivna područja nekog naroda, dijeli se doslovno sve od škola, gradova, preduzeća... Djeluje pomalo absurdno, ali je današnje društvo u BiH, u tom pogledu, gotovo identično onome sa početka 20. vijeka, kada je socijaldemokratija dobila svoj politički subjektivitet. I tada su Bosanci i Hercegovci svih naroda bili svjesni potrebe borbe protiv etničkih podjela i socijaldemokratskih načela koji se suprotstavljaju takvim nastojanjima.

Svi mi koji danas nastavljamo tu borbu moramo biti istrajni u tome jer naša domovina Bosna i Hercegovina moguća je samo na principima zajedništva, multietničnosti, pravde i jednakosti svih na svakom pedlju njene teritorije.

Za ove principe svi ljevičari u BiH bore se duže od stotinu godina i naša je obaveza nastaviti i istrajati na tom putu. To je jedini ispravan put za BiH. To je jedini put koji će nama i našoj djeci osigurati bolji i kvalitetniji život, mir, sigurnost i svaki vid napretka.

**Zato jačajmo SDP jer time jačamo našu domovinu - Bosnu i Hercegovinu.**



## BiH je dobro rješenje za sve koji u njoj žive

U BiH, a sanjali smo puno ljepešu od ove koju imamo, ljudi su nesigurni i dovedeni u bijedu i nezaposlenost. Bh. društvo je postalo društvo podjela, sukoba i stalnog raspadanja. U sukobu je sa sobom, sa susjedima i sa Evropom. To je konfliktno društvo koje se tiho urušava, izjavio je bivši član Predsjedništva SFRJ i član SDP BiH Bogićević. „O sudbini BiH odlučit će tri njezine etničke grupe koje su trenutno nesigurne u dobru zajedničku budućnost. To dvoumljenje već dugo traje, a podstaknuto je i nesigurnošću velikih sila da se zauzmu za ovakvo ili onakvo rješenje bosanske krize. Skeptici imaju svoje argumente. Optimisti imaju svoje nade. Nisam u poziciji da imam dovoljno informacija o svim važnim igrama koje se igraju oko BiH, samo znam da bi ona bila dobro rješenje za sve koji danas u njoj žive. Za takvu zemlju vrijedi se boriti i do kraja vjerovati da snage ravnoteže i tolerancije

mogu pobijediti“, kaže Bogićević, koji smatra kako sa postojećim političkim konceptom ne možemo stići do Evrope.

„Sve je ovo poludjelo: i ljudi i vrijeme, reče jedan veliki filozof, čiju misao sada prepoznajemo u našoj životnoj i političkoj svakodnevici. A „pohvalu ludosti“, koju je verbalno tako lijepo sročio Erazmo Roterdamski, oni u Briselu neće nam dati. Mi se prema EU krećemo unazad. Mislim da je prije sedam osam godina ovdje čak bilo i bolje stanje. Ovako selektivan pristup, koji smo dosad imali, a koji je uvukao Sloveniju i Hrvatsku, posebno je nepravedan prema nama u BiH. Kako stoje stvari, čak bi i Srbija, prije BiH, mogla ući u to „demokratsko društvo. Mi sigurno nismo na potrebnoj političkoj visini. No, mislim da ni EU ne opravdava status koji u svijetu uživa. Ili su bili lijeni ili trapavi, možda i neiskreni, ali dobrim nas nisu obdarili“, kaže Bogićević.



## Fadil Novalić što hitnije mora objaviti Pismo namjere građanima FBiH

Aner Žuljević, delegat Socijaldemokratske partije BiH u Domu naroda Federacije BiH, smatra da izjava premijera Fadila Novalića o tome kako sredstva od Međunarodnog monetarnog fonda nisu namjenska, nego redovna budžetska sredstva, pokazuje kako se radi o neodgovornom kreditnom zaduženju građana ove zemlje, koje se maskira bombastičnim najavama fiktivnih i nejasnih reformi u „išaranom“ i neobjavljenom Pismu namjere.

„Zbog ovakve izjave Premijera više je nego jasno kako se radi o Vladi koja niti u jednom segmentu svog rada ne ulijeva nadu da se radi o odgovornoj i reformskoj politici, u smislu opravdanosti novog kreditnog zaduženja. S obzirom da se radi o proširenom aranžmanu većem od milijardu KM, koji će politiku javnih finansija ove zemlje odrediti u narednih 13 godina, izuzetno je važno da ne dozvolimo zaduženja u cilju krpljenja budžetskih rupa, bez bilo kakvog razvojnog smisla i svrhe. Pristup u kojem će javnost saznati sadržaj Pisma namjere, tek kad se isto usvoji, direktni je pokazatelj kako su vladajući više nego svjesni štetnosti sadržaja i obećanja u istom, pa su, zajedno sa MMF-om, odlučili da prodaju temeljne principe parlamentarne demokratije za 550 miliona eura.

Očekujemo od nadležnih da javno objave da li su odlučili prodati telekome i elektroprivredu, da li su obećali uvođenje novih nameta (poreza i akciza) građanima i privredi, da li su odustali od mogućnosti konverzije „kredita u švicarcima“ i niz drugih otvorenih pitanja na koje javnost traži odgovor! Jasno je kako nam tematske sjednice o Pismu namjere MMF-a trebaju, prije svega, kako bi shvatili da svako zaduženje mora biti transparentno, odobreno u Parlamentu i direktno vezano za finansiranje konkretnih reformskih projekata u cilju ekonomskog razvoja države.

Stoga još jednom pozivamo premijera Novalića da konačno shvati kako je život puno više nego šarena lopta, te da javnosti objavi Pismo namjere i isto dostavi Parlamentu FBiH na odobrenje u okviru tematskih sjedница“, rekao je Žuljević.



Objavite **pismo namjere** kojim nas zadužujete za novih **milijardu KM!**




BiH, kada se sticala njena nezavisnost, poslanici SDP-a u Skupštini SRBiH su pokazali hrabrost i odlučnost u otporu prema onima koji su rušili BiH. Odolijevajući nacionalnim pozivima, mnogim prijetnjama i ucjenama, kojih nije bilo malo i koje nisu bile bezopasne, upravo su poslanici SDP-a srpske nacionalnosti Tatjana Ljubić-Mijatović, Boro Bjelobrk, Krstan Malešević i Miro Lazović dali nesobičan doprinos u donošenju ključnih odluka Skupštine SRBiH, a koje su vodile ka sticanju nezavisnosti BiH.

Zato bilo kakva aluzija na destruktivno ponašanje SDP-a i poređenje sa ponašanjem poslanika SDS-a iz predratnih vremena nije prihvatljiva i ne odgovara istorijskim činjenicama“, navodi Lazović.

Miro Lazović, potpredsjednik Socijaldemokratske partije BiH, reagovao je na medijske natpise u kojima se izlazak delegata SDP BiH iz Kluba srpskog naroda sa posljednje sjednice Doma naroda FBiH poređi sa ponašanjem poslanika SDS-a u Skupštini SRBiH iz 1991 godine.

„Takvo poređenje, u najmanju ruku, nije korakto. Želio bih podsjetiti autore pamfleta u stranačkim novinama da je odnos SDP-a i njegovih poslanika prema državi BiH uvek bio, i bit će, u funkciji odbrane BiH i njene izgradnje kao stabilne i funkcionalne države ravnopravnih naroda i građana. Takav odnos prema državi poslanici SDP-a su imali u radu Skupštine SRBiH i Skupštine RBiH u periodu od 1990. do 1996. godine. U tim prelomnim vremenima za budućnost



## **Saša Magazinović imenovan u Predsjedništvo Partije Evropskih Socijalista**

Predsjednik Glavnog odbora SDP BiH Saša Magazinović imenovan je na poziciju člana Predsjedništva Predsjedništva Partije Evropskih Socijalista (PES). Magazinović je duži niz godina aktivan na polju međunarodne politike. Prije izbora na funkciju predsjednika Glavnog odbora SDP BiH, vodio je Sekretarijat za međunarodnu saradnju SDP BiH. Pored toga, član je Zajedničke komisije za Evropske integracije Parlamenta BiH i delegacije BiH u Parlamentarnoj skupštini Vijeća Evrope. SDP BiH je jedina politička stranka ljevice iz BiH koja je članica Socijalističke internationale (SI) i Partije Evropskih Socijalista (PES). Snažno opredjeljenje SDP BiH je nastavak angažmana na promociji ideja evropske ljevice, kako u Bosni i Hercegovini, tako i van granica naše države, te angažman na promociji politike jednakosti i pravde. BiH na svom evropskom putu treba jake međunarodne partnere, a SDP BiH, kao članica Partije Evropskih Socijalista, druge najjače grupacije u Evropskom parlamentu, ima tu podršku.



## **SDA i HDZ BiH su protiv radnog iskustva za mlade**

Nakon što javna politika Foruma mladih SDP-a BiH "Radno iskustvo svima" nije dobila podršku Parlamenta FBiH da se uopće nađe na dnevnom redu generalni sekretar SDP-a BiH Irfan Čengić kazao je kako je evidentno da su zastupnici SDA i HDZ-a BiH protiv radnog iskustva za mlade.

Kako navodi, javnom politikom "Radno iskustvo svima" je planirana izmjena Zakona o volontiranju FBiH, kojima bi lokalne zajednice bile obavezne da izvrše akreditaciju i omoguće volontiranje mladima i sticanje radnog iskustva. Također izmjenama Zakona bi bilo omogućeno da osobe koje godinu dana volontiraju u struci mogu polagati stručne i državne ispite.

"Ovim Zakonom smo željeli pomoći svim mladim ljudima da steknu radno iskustvo u svojoj lokalnoj zajednici i budu konkurentiji na tržištu rada. Zakon o volontiranju usvojen je za vrijeme dok je Vladu FBiH vodio SDP i nakon dvije godine primjene tog zakona uočili smo neke nedostatke i htjeli smo izvršiti izmjene i dopune zakona, kako bismo pomogli mladima, ali SDA i HDZ su protiv radnog iskustva za mlade. Mi ćemo nastaviti zahtjevati razmatranje ovog zakona na sjednici Parlamenta FBiH" rekao je Čengić, koji je istaknuo kako podršku Zakonu o izmjeni i dopuni Zakona o volontiranju nisu dali zastupnici SDA, SBB-a, HDZ-a BiH, SBiH-a i zastupnik Laburističke stranke.



## **Ovoj državi je potrebno bosanskohercegovačko, a ne bošnjačko, hrvatsko ili srpsko jedinstvo**

Predsjednik SDP BiH Nermin Nikšić kazao je da se rezultati popisa stanovništva u BiH trebaju objaviti što prije jer je to tehničko pitanje, koje aktuelna vlast koristi za ostvarivanje svojih interesa i na taj način ugrožava evropski put BiH. Nermin Nikšić je komentarisao aktuelnu političku situaciju i sve prisutniju krizu u funkcionisanju državnih institucija, koju najavljuje član Predsjedništva BiH Mladen Ivanić, koji je i najavio mogućnost blokade određenih institucija zbog, kako je kazao, nepovoljne odluke direktora Agencije za statistiku BiH Velimira Jukića o usvajanju jedinstvene metodologije za obradu rezultata popisa. Pod izgovorom da su interesi Republike Srpske ugroženi Ivanić je najavio da će "zatezati" rad Predsjedništva.

"Ja ne želim spekulisati da li će Ivanić i PDP u skorijoj budućnosti možda formirati neku koaliciju sa SNSD-om, ali evidentno je da je nakon navodnog hrvatskog i bošnjačkog je-

dinstva na pomolu i srpsko jedinstvo. Želim poručiti da je ovoj zemlji prije svega potrebno bh. jedinstvo. Evidentno je da su Savez za promjene i SNSD saglasni u tome kada treba rušiti državne institucije, iako na entitetskom nivou imaju totalno drugačiji odnos. Ne mislim da će se srpski predstavnici povući iz Centralnog popisnog biroa. U posljednje vrijeme samo se traže teme o kojim će se raspravljati, dok нико ne razgovara o tome kako ćemo poboljšati životni standard građana. Opasno je da dovodimo u opasnost evropsku budućnost BiH zbog tehničkih pitanja kao što je popis stanovništva. Prebrojavanje krvnih zrnaca građana nakon što smo potrošili 50 miliona KM za popis, te se pravi problem tamo gdje ga nema. Uoči lokalnih izbora traži se ponovo problem na nacionalnoj osnovi. Niko ne priča o zapošljavanju", dodao je Nikšić.



## **Pacijentima u zdravstvenim ustanovama Kantona Sarajevo nikad nije bilo gore**

Segmedina Srna-Bajramović, zastupnica Socijaldemokratske partije BiH u Skupštini Kantona Sarajevo, na posljednoj sjednici postavila je zastupničko pitanje u vezi pogoršane situacije u zdravstvenom sektoru Kantona Sarajevo.

"Kada možemo očekivati poduzimanje urgentnih mjera od strane Vlade, Ministarstva zdravstva, Zavoda zdravstvenog osiguranja, zdravstvenih ustanova, odnosno, izdavanje pismenih naredbi od strane nadležnih organa u Kantonu Sarajevo (KS), a u cilju sređivanja aktuelne situacije u pogledu zbrinjavanja bolesnika na primarnom, sekundarnom i tercijarnom nivou zdravstvene zaštite u KS, odnosno uspostavu adekvatne organizacije zbrinjavanja redovnih i urgentnih bolesnika u KS? Ljekarska/lječnička komora KS je na svojoj sjednici održanoj 16. maja razmatrala aktuelnu situaciju u oblasti zdravstva KS, te tom prilikom upozorila da su ugroženi život i zdravlje pacijenata u KS zbog neadekvatne organizacije zbrinjavanja redovnih i urgentnih bolesnika u KS."

Napominjem da je u javnosti plasirana vijest da se svi urgentni pacijenti u KS ponedjeljkom i petkom upućuju u Opću bolnicu „Prim dr Abdulah Nakaš“ Sarajevo, a ostalim danima u KCUS. Veliki broj pacijenata koji se upućuju u Opću bolnicu „Prim dr Abdulah Nakaš“ Sarajevo nije adekvatno zbrinut na nivou primarne zdravstvene zaštite ili se pak sa nivoa KCUS upućuju u navedenu Opću bolnicu, prema uspostavljenom sedmičnom kalendaru (ponedjeljak i petak Opća bolница, ostali dani KCUS), ne vodeći računa da li je u pitanju pacijent koji se objektivno treba zbrinuti na nivou tercijarne zdravstvene zaštite.

Ovo što se sad trenutno radi sa pacijentima u KS je najgore za pacijenta ponaosob, jer isti prolazi kroz tri "ruke": primarni, sekundarni i tercijarni nivo, svi troše sredstva namijenjena za liječenje pacijenta iz Zavoda zdravstvenog osiguranja, a pacijent najgore prođe u zdravstvenom sistemu u KS!!!", kaže se pitanju zastupnice Srna-Bajramović.



## Instrukcija ministra Maleševića je čisti fašizam!

Instrukcija koju je ministar prosvjete i kulture Republike Srpske Dane Malešević uputio prema školama u ovom entitetu, a kojom se zabranjuje naziv „bosanski jezik“ u đačkim knjižicama i svjedočanstvima, je zapravo čisti fašizam – poručeno je na vanrednoj konferenciji za štampu Socijaldemokratske partije Bosne i Hercegovine.

„Negiranje prava na bosanski jezik u Republici Srpskoj sramni je nastavak politike koja za cilj ima stvaranje nepodnošljivih uslova za život svima koji nisu po volji režima u RS i njihovo trajno uklanjanje sa tog područja“, poručio je Damir Mašić, politički direktor SDP BiH.

Pravo na jezik i njegovo određivanje neotuđivo pravo svake zajednice na svijetu, pa tako i Bošnjaka u Republici Srpskoj koji svoj jezik mogu nazivati bosanskim i da niko nema pravo da to negira ili onemogućava bilo kakvim administrativnim mjerama. Ova politika režima u RS-u ne samo da je antivilizacijska, nego ulazi i u sferu krivičnog djela. Pozivajući se na Krivični zakon BiH i njegov Član 239. upućen je poziv Tužilaštvo BiH da reaguje po službenoj dužnosti, te je istaknuto da će sam SDP uputiti krivičnu prijavu ukoliko Tužilaštvo ostane nijemo.

Predsjednik Savjeta za obrazovanje prof.dr. Salmedin Mesihović prisutnima je skrenuo pažnju da je ovo posljedica nepostojanja jedinstvene državne obrazovne politike, ministarstva, savjeta i programa.

„BiH je jedina država u Evropi koja nama državotvornu odgojno-obrazovnu politiku, umjesto toga imamo 12 zasebnih obrazovnih sistema. Posljednja instrukcija Ministarstva prosvjete RS pokazuje svu štetnost ovakvog uređenja, a njome se pokušava za jedan dio Bosne i Hercegovine reći da nije bosanski. SDP BiH će se, kao jedna od rijetkih preostalih državotvornih stranaka, tome suprotstaviti. Svaki pedalj ove zemlje za nas je bosanski“, naglasio je Mesihović.

Profesorica Lejla Hamzagić Kovačević, članica Savjeta za obrazovanje SDP BIH, pozvala je sve učene ljudi koji se bave jezikom i sve one dobromamjerne, da se pridruže SDP-u u borbi za ravnopravnost svih jezika koji se upotrebljavaju u BiH.

„Mi ne želimo o jednom dijelu BiH govoriti isključivo kao o problemu jer smo svjesni da postoje problemi i u drugim dijelovima zemlje. U FBiH postoji fenomen koji nazivamo ‘dvije škole pod jednim krovom’, dok u RS-u imamo pitanja segregacije, diskriminacije i negiranja različitih prava. Pravo na jezik je osnovno pravo svakog čovjeka, bez obzira na to kako se on zove. Onemogućavati nekoga da svoj jezik naziva onako kako želi je zapravo podrivanje njegovog bitka“, upozorila je Hamzagić Kovačević.



## Uvređljiva i sramotna izjava predsjednika HDZ BiH Dragana Čovića o poređenju Republike Srpske i Tuzle

Gradski odbor SDP BiH Tuzla najoštije osuđuje i odbacuje tvrdnje Dragana Čovića, predsjednika HDZ BiH, da je nakon 1995.godine Tuzla potpuno etnički očišćen prostor na kojem nema više Hrvata. Pozivamo gospodina Čovića da se ispriča Tuzli i Tuzlacima i podsjećamo ga da su Hrvati, uostalom kao i svi drugi narodi i građani, u Tuzli ravnopravni.

Da se čitava Bosna i Hercegovina nalazi u teškoj političkoj i ekonomskoj situaciji, pa tako i Hrvati u njoj, to se slažemo, ali mišljenja smo da ste za to, gospodine Čoviću, pored Vaših prijatelja Dodika i Izetbegovića i Vi osobno krivi jer ste u vlasti preko 20 godina. Porediti Tuzlu sa Republikom Srpskom mogu samo oni koji ne žele dobro Bosni i Hercegovini. Tuzla je jedan od rijetkih gradova u BiH koji oslikava i živi biće Bosne i Hercegovine.

Trebali bi ste znati da je u Tuzli predsjedavajući Gradskog vijeća i još pet vijećnika iz reda hrvatskog naroda što čini 20 posto od ukupnog broja vijećnika. Prema popisu iz 1991 godine u Tuzli je živjelo 15,50 posto stanovnika hrvatske nacionalnosti. Nije nam namjera prebrojavati se, ali zbog vaših uvredljivih tvrdnji moramo Vas podsjetiti na faktičko stanje.



SDP BiH poziva Vladu FBiH da odmah odustane od privatizacije Sarajevo-osiguranja putem berze, jer je potrebno osigurati dodatno vrijeme kako bi se uradila transparentna analiza opravdanosti prodaje.

Prodaja u kojoj nema nikakvih garancija da će buduci kupac zadržati broj zaposlenih, osigurati nova investiranja i zadržavanje djelatnosti je neprihvatljiva sa aspekta interesa države.

Podsjećamo Vladu Fadila Novalića da je SDA – HDZ Vlada FBiH 2008. godine izvršila dokapitalizaciju Sarajevo-osiguranja sa više od deset miliona KM i da je tada iz budžeta FBiH jedna dionica plaćana 25 KM. Sada te iste dionice Vlada prodaje po cijeni od 13 KM. SDA i HDZ, pod krikom aranžmana sa Međunarodnim monetarnim fondom, prodaju sve najbolje što imamo, ne zato da bi te firme bolje radile i bile uspješnije, nego zato što žele da preostali državni kapital praktično poklone svojim bliskim stranačkim i poslovnim saradnicima. Očigledno je da na djelu imamo ponovljeni autorski rad SDA-HDZ, kakav smo gledali u proteklih 20 godina, kada je u pitanju proces privatizacije, čije su posljedice brutalno opljačkane firme, a radnici širom zemlje poslani na biro.

## SDA i HDZ su dokazali da im je SNSD prirodni partner

Vladajuća koalicija SDA-HDZ je svojim danasnjim izborom Drage Puzigače, kadra SNSD-a Milorada Dodika, za zamjenika predsjedavajućeg Doma naroda Parlamenta Federacije BiH iz reda srpskog naroda, pokazala svoje pravo lice.

Naime, Izetbegovićeva SDA i Čovićev HDZ su ovim potezom svim građanima Federacije BiH jasno dali do znanja ko im je pravi i prirodni partner – Milorad Dodik i njegov SNSD. Javnost i građani Federacije BiH moraju znati da su SDA i HDZ danas izabrali zamjenika predsjedavajućeg Doma naroda iz stranke koja ne dozvoljava da se objavi popis stanovništva u BiH, stranke koja ne dozvoljava da djeca koriste bosanski jezik i stranke koja blokira svaki mogući iskorak države, pogotovo po pitanju evropskih integracija.

Ne treba zaboraviti činjenicu da je vladajućoj

koaliciji odgovarala legitimnost Kluba delegata srpskog naroda u Domu naroda, sa Slavišom Šućurem na čelu, kada su početkom 2015. godine jedva čekali da zasjednu u fotelje i formiraju vlast. Danas su taj isti Klub potpuno zanemarili i požurili da dokažu da su im jedini legitimni predstavnici Srba članovi stranke koja godinama aktivno radi na razgradnji države.

SDA i HDZ su ovim činom dodatno ojačali prirodni savez sa Miloradom Dodikom, sa kojim ionako imaju najviše zajedničkih interesa i sklonosti. Građani Federacije BiH su, nažalost, doživjeli još jedan šamar od strane vladajućih partija koje se jasno i otvoreno stavljaju na stranu negatora države i državnosti BiH i svega što je bosansko i hercegovačko, a na štetu i poniranje iskrenih boraca za jedinstvenu i nedjeljivu BiH.



## Prva konkretna pobjeda antifašizma u postdejtonskoj PS BiH

Na 31. sjednici Predstavničkog doma Parlamentarne skupštine Bosne i Hercegovine, održanoj 15. juna, poslanici su u okviru 16. tačke dnevnog reda glasali o Inicijativi poslanika SDP BiH dr. Denisa Bećirovića koja je predviđala da nadležni organi Grada Mostara u najkraćem roku ukinu neprimjerene nazive ulica u Mostaru koje nose imena ustaških zvaničnika fašističke NDH. Tom prilikom su poslanici najvišeg zakonodavnog organa u državi BiH, u drugom krugu glasanja, izglasali prijedlog Inicijative koja podrazumijeva hitnu i konkretnu aktivnost gradonačelnika Ljube Bešlića i lokalnih organa vlasti u gradu Mostaru s ciljem trajnog ukidanja imena ulica koje nose nazive osvjedočenih ustaških zločinaca.

SDP BiH javno poziva aktuelnog gradonačelnika Mostara Ljubu Bešlića da u najkraćem

roku, bez odlaganja, uslovljavanja i opstriranja ispoštuje usvojenu odluku najvišeg zakonodavnog organa države BiH. Pri tome, gradonačelnika Mostara pozivamo da u predstojećem neodložnom realiziranju ove odluke prestane iznositi netačne i nepotpune informacije, a pogotovo da ne daje sebi za pravo da izjednačava historijsku ulogu Titovih antifašista sa Pavelićevim fašistima i zločincima. Titovi antifašisti su planetarno dokazani i priznati saveznici svjetske antifašističke koalicije i njihove zasluge u borbi za antifašizam i obnovu bosanskohercegovačke državnosti niko i nikada neće moći osporiti.

Za nastavak politike javnog afirmiranja i veličanja ustaških zločinaca na mostarskim ulicama glasali su poslanici HDZ-a, dok su poslanici SDS-a bili suzdržani. Takvim glasanjem poslanici pojedinih stranaka su ostavili javni trag u parlamentarnoj prošlosti BiH kao predstavnici onih snaga koje žele da javno afirmiraju najcrnje ustaške zločince odgovorne za masovna stradanja Srba, Jevreja, Roma, kao i velikog broja antifašista Hrvata i Bošnjaka u Drugom svjetskom ratu. SDP BiH obavještava cijelokupnu domaću i međunarodnu javnost da je HDZ ovakvim glasanjem pokazao svoje pravo lice. Sada definitivno znamo da je HDZ Dragana Čovića inicijator, autor i najveći branitelj opstanka ulica koje nose imena ustaških zločinaca..

Zakona koji je predložio SDP BiH, a u kome je jasno naznačeno kako svaka mlada osoba može steći radno iskustvo u svojoj lokalnoj zajednici. Nažalost, više od 80.000 mladih ljudi je napustilo našu zemlju, upravo zbog nemara vladajuće koalicije, kojoj su bitnije reformske agende koje niko ne priznaje, nego potrebe mladih i školovanih ljudi.

Protiv ovog prijedloga Zakona bili su i mlađi političari vladajućih stranaka, koji sjede u parlamentarnim klupama i za to primaju velike plate, dok Premijer Federacije BiH objasnjava razlog odliva mladog stanovništva kao "želju mladih za izazovom".

Nameće se pitanje na kome će ova država ostati i kada će, napokon, vladajući za ovo preuzeti odgovornost. Nadam se da će omladinske, nevladine organizacije i sve ostale organizacije koje se bave pitanjima mladih u Bosni i Hercegovini, zajedno sa nama, boriti se za mlade ljudi u našoj državi, državi svih nas", navodi se u izjavi.



## Vladajućima nije stalo do mladih!

Povodom nedavno objavljene informacije o tome kako je 80.000 mladih ljudi napustilo BiH u 2015. godini, Lana Plić, potpredsjednica Socijaldemokratske partije BiH, smatra da je to samo dokaz nerada aktuelne vladajuće koalicije po pitanju omogućavanja pronalaska radnih mesta za mlade ljudi.

"Parlamentarna većina SDA-HDZ-SBB u Parlamentu Federacije BiH je odbila prijedlog

## ANALIZA OSCE-A O RADU TUŽILAŠTVA I SUDA BIH PREDSTAVLJA DIREKTNO NARUŠAVANJE SUVERENITETA BIH

Povodom nedavnih događaja u vezi sa dostavljanjem analize OSCE-a, koju je izradila sutkinja Joanna Korner, o procesuiranju ratnih zločina u Bosni i Hercegovini, Socijaldemokratska partija BiH smatra neprihvatljivim miješanje u rad bilo koje državne institucije, pa tako i Tužilstva i Suda BiH, od strane međunarodnih organizacija, koje nemaju mandat da se bave takvim poslovima.

Ova analiza predstavlja direktno narušavanje suvereniteta BiH, s obzirom da niti jedna institucija BiH nije tražila, niti dozvolila, provođenje takve aktivnosti. Podsjećamo misiju OSCE u BiH, da je Visoko sudsko i tužilačko vijeće BiH isključivo nadležno da utvrdi kriterije za rad sudova i tužilaštava, vrši nadzor i savjetuje sudove i tužilaštva u pogledu efikasnog upravljanja i rukovođenja, a prema tome, to je jedina prava adresa za vršenje analiza i unaprijeđenje rada pravosuđa u BiH.

Naša država je očigledno suočena sa stalnim napadima na njen suverenitet, ponajprije od strane političkih struktura iz entiteta RS i stoga je posebno zabrinjavajuća pojava sličnih praksi od strane pojedinih međunarodnih organizacija i međunarodnih dužnosnika koji u njima rade. Ovakvo grubo miješanje OSCE-a u nadležnosti VSTV-a BiH i Parlamentarne skupštine BiH, kao tijela nadležnih i za nadzor nad radom Tužilstva i Suda BiH vrlo je opasna pojava koja odmah mora prestati.

Mi u SDP-u odavno upozoravamo da se stalnim pritiscima raznih političkih i drugih domaćih i nekih međunarodnih aktera pokušava stvoriti



## Jasmin Imamović predao dvije inicijative za poboljšanje poslovnog ambijenta

U zgradi Gradske uprave je održan sastanak Gradonačelnika Tuzle sa predsjednikom Upravnog odbora Udruženja poslodavaca Federacije BiH Adnanom Smailbegovićem. Sastanku je prisustvovao i predstavnik poslodavaca Eldin Tabučić te predstavnici Grada Tuzla. Uglednim gostima, poslodavcima čije firme zapošljavaju po sedam hiljada ljudi, (Prevent i Bingo) gradonačelnik Jasmin Imamović predao je dvije inicijative, koje se odnose na izmjenu propisa iz nadležnosti Federacije BiH, a koje bi uticale na povoljnije poslovno okruženje za ulaganja, te na taj način i stvaranje uvjeta za otvaranje novih radnih mesta.

Radi se o Inicijativi za dodjelu na korištenje napuštenog zemljišta i nekretnina bivšeg rudnika „Bukinje“ i drugih napuštenih rudničkih prostora lokalnim zajednicama na čijem području se nalaze s ciljem izgradnje poslovnih zona i Inicijativi za izmjenu Zakona o stvarnim pravima po skraćenom postupku uz Inicijativu za usklajivanje Zakona o građevinskom zemljištu sa zakonom o stvarnim pravima.


Druga inicijativa se odnosi na izmjenu federalnih Zakona o građevinskom zemljištu i Zakona o stvarnim pravima, kojom bi se omogućilo da se investitorima, koji imaju namjeru zapošljavati veliki broj ljudi, a naročito u proizvodnji, mogu umanjiti na konkursu postignute cijene, zavisno od broja radnih mesta.

„Danas imamo previše zemljišta u državnom vlasništvu, koje je neizgrađeno ili se ne koristi u poljoprivredne svrhe, a nedovoljno radnih mesta, sa nedopustivo visokom stopom nezaposlenosti, što predstavlja najveći problem BiH. Zato je potrebno „višak“ zemljišta iskoristiti, da se pomoći tog „viška“ smanji „manjak“ radnih mesta. Da bi se to postiglo i obezbjedio povoljan poslovni ambijent neophodno je da prvenstveno domaći, a potom i poduzetnici iz inozemstva mogu doći pod povoljnim uvjetima do povoljnog zemljišta za gradnju. Ovo pogotovo zato što su to poduzele susjedne države“, izjavio je gradonačelnik Imamović.

ambijent za ukidanje državotvornih nadležnosti Suda BiH, i tako na mala vrata izvrši troetnička podjela pravosuđa u BiH.

Upravo su te nadležnosti ključne za obračun sa organiziranim kriminalom i korupcijom, posebno političkom korupcijom, što su temeljni preduvjeti koji se moraju ispuniti za punopravno članstvo BiH u NATO savezu i EU.

Pozivamo OSCE, ako zaista dobromjerno želi poboljšati pravosudni sistem u BiH, da se pridruži nastojanjima opozicije u FBiH, predvođene SDP-om, kako bi se konačno počeo provoditi Zakon o suzbijanju korupcije i organiziranog kriminala, koji je trenutna vlast odlučila u potpunosti ignorisati, a u čemu joj međunarodna zajednica nesobično pomaže.



## GRAĐANIMA I NARODIMA PONUDITI USTAV ZA 21. STOLJEĆE I EVROPSKU BIH

Odbor za reformu Ustava i ustavna pitanja Socijaldemokratske partije BiH u ovoj godini otvara ozbiljnu akademsku raspravu na temu BiH i Dejtonski mirovni sporazum. Većinu Odbora čine intelektualci i stručnjaci koji nisu istovremeno i članovi partije, a danas su diskutovali o poziciji države i ulozi Dejtona 21. godinu nakon njegovog potpisivanja.

U svom uvodnom izlaganju prof.dr. Denis Bećirović je kao predsjedavajući Odbora uka-zao na brojne proturječnosti Dejtonskom mirovnog sporazuma, na nastavak neprincipijelne politike međunarodne zajednice, te je skrenuo pažnju na brojne primjere neimplementacije ovog Sporazuma, prije svega aneksa 4, 6, 7 i 9. „Neprincipijelno je od međunarodne zajednice

da od naše zemlje traži provođenje određenih reformi, a da prije toga nije pomogla da u punom kapacitetu zaživi država BiH. Ovaj sporazum se ne može prihvati parcijalno i uzimati samo ono što nam odgovara. Da bismo državu digli na noge trebamo potpuno implementirati Dejtonski sporazum i sve njegove anekse, a zatim građanima i narodima ove zemlje ponuditi Ustav za 21. stoljeće, ustav za evropsku BiH“, poručio je Bećirović.

Uvodničari su pored Bećirovića bili aka-demik Mirko Pejanović, dr. Slavo Kukić i dr. Lada Sadiković. Ukažali su na brojne probleme u Dejtonskom mirovnom sporazu-mu, naročito u Ustavu BiH kao aneksu ovog sporazuma. Poseban akcenat stavljen je na

neprovođenje odluka Ustavnog suda BiH, kao i odluka međunarodnih sudova i preporuka međunarodnih institucija. U diskusiji su se pred-lagali mogući modaliteti rješenja, među kojima je najčešći bio mogućnost nove međunarodne inicijative uz konkretniji angažman SAD-a i dru-gih zemalja članica Vijeća za implementaciju mira. Uvodne diskusije i referati će biti prik-upljeni i objavljeni u posebnoj publikaciji. Odbor SDP BiH za reformu Ustava i ustavna pitanja će se nastaviti ozbiljno baviti ovom problematikom te u akademskom i diplomatskom okrilju tražiti nova i prihvatljiva rješenja za dobrobit države i svih njenih građana i naroda.



## Jačati unutarpartijsku strukturu u RS-u i zapadnoj Hercegovini

Socijaldemokratska partija BiH treba jačati unutarpartijsku strukturu na području Republike Srpske i zapadne Hercegovine, zaključeno je na trećoj sjednici Savjeta za razvoj SDP-a BiH. Potvrđio je to potpredsjednik Glavnog odbora SDP-a BiH Ivan Boban navodeći da se na tim područjima SDP nije uspio dovoljno jasno politički pozicionirati.

„Zato smo dali preporuku organima stranke da se izradi analiza dosadašnjeg načina djelovanja na prostoru BiH ako želimo biti bh. partija sa punim kapacitetom. Na osnovu toga, sačinit će se smjernice daljnog djelovanja“, kazao je potpredsjednik Foruma sindikalnih aktivista SDP-a BiH Behzad Čirkin.

Na sjednici Savjeta, potpredsjednik SDP BiH Goran Ljubojević je rekao kako smatra da se u zemlji treba manje raditi na afirmisanju različitosti, te stvarati percepcija da „smo svi isti, a da su nam razlike malo uticajne na naš sva-kodnevni život“.

## KONSTITUISAN ODBOR SOCIJALDEMOKRATSKE PARTIJE BOSNE I HERCEGOVINE ZA OBRAZOVANJE

U Sarajevu je održana konstituirajuća sjednica Odbora Socijaldemokratske partije (SDP) Bosne i Hercegovine za obrazovanje. Članovi Odbora, koji je novina u radu Socijaldemokratske partije, bavit će se problematikom obrazovnog sektora. To uključuje sve nivoje obrazovnog sistema u Bosni i Hercegovini, od predškolskog preko osnovnog i srednjeg do visokog obrazovanja.

Odbor će se, pored aktuelnih obrazovnih pitanja, baviti i strateškim razvojem obrazovanja kao ključnom kategorijom društvenog života. Odbor okuplja ljudе koji rade u obrazovanju, s ciljem

sprečavanja daljeg derogiranja obrazovnog sistema, te njegovog postupnog razvijanja u pravcu progresivnog rasta.

Činjenica je da je danas obrazovni sistem u BiH prilično devastiran i da ne odgovara osnovnim potrebama društva u kojem živimo. Postoji čak 14 ministarstava obrazovanja, svako sa svojim nadležnostima, zasebnom politikom i načinom rada. Nažalost, još uvijek je u jednom entitetu prisutan princip diskriminacije, a u drugom seg-regacije učenika po etnonacionalnom i religijskom obrascu.



## SOCIJALDEMOKRATSKA PARTIJA BIH U POTPUNOSTI SPREMNA ZA LOKALNE IZBORE

Glavni odbor Socijaldemokratske partije BiH je potvrdio većinu lista kandidata za vijećnike, odbornike, načelnike i gradonačelnike za predstojeće lokalne izbore u BiH.

Potvrđeno je više od 90 lista za vijećnike i odbornike za općinska i gradska vijeća širom BiH, te 38 kandidata za pozicije načelnika i gradonačelnika. Na listama SDP BiH, u skladu sa opredjeljenjem partijskih organa, zastupljeno je više od 40 posto mlađih i 40 posto žena, čime je SDP ponovo podigao demokratske standarde u bh. političkom životu.

Glavni odbor SDP BiH još jednom je pozvao vladajuću koaliciju na državnom i federalnom nivou da što hitnije građanima i javnosti objavi Pismo namjere prema Međunarodnom monetarnom fondu. Kako se radi o proširenom aranžmanu većem od milijardu KM, koji će politiku javnih finansija naše zemlje odrediti u

narednih 13 godina i koji će otplaćivati građani, izuzetno je važno da se sadržaj ovog Pisma objavi. Upravo iz tih razloga su zastupnici i delegati SDP BiH u Parlamentu BiH i FBiH tražili održavanje vanrednih sjednica, kako bi građanima bilo predočeno Pismo namjere. Vladajuća koalicija mora shvatiti da svako zaduženje treba biti transparentno, odobreno u Parlamentu i direktno vezano za finansiranje konkretnih reformskih projekata u cilju ekonomskog razvoja države. Praksa trenutne vlasti da se sve ključne odluke kriju od javnosti mora se hitno prekinuti. Data je i puna podrška delegatima SDP BiH iz reda srpskog naroda u Domu naroda Parlamenta FBiH u njihovim naporima za konačnim popunjavanjem Kluba Srba u ovom Domu. Krajnje je vrijeme da se ovaj Klub popuni u skladu sa Ustavom FBiH, kako bi se i srpskom narodu omogućila potpuna institucionalna rav-

nopravnost, koja je zagarantovana Ustavom. Ukoliko se to ne desi, postoji realna opasnost da se u pitanje dovede legalnost trenutne vlasti u FBiH, kao i svih zakona i drugih akata koje je usvojio Parlament FBiH. Ništa manje važna nije ni činjenica da se ovakvim odnosom pogoduje politici negiranja prava Bošnjaka i Hrvata u bh. entitetu Republika Srpska.

Glavni odbor SDP BiH poziva vlasti u RS da bez odlaganja prekinu diskriminaciju bošnjačke djece i povratnika te dozvole upotrebu naziva bosanski jezik. To je elementarna civilizacijska obaveza vlasti ovog entiteta. Glavni odbor SDP BiH smatra kako u ovom slučaju postoje elementi krivične odgovornosti, zbog nepoštivanja presude Ustavnog suda BiH, te je pozvano Tužilaštvo BiH da reagira u skladu sa svojim ovlaštenjima.



## SDP BiH traži priznavanje prava građana u dijaspori da glasaju bez naknadne registracije

Predsjedništvo Socijaldemokratske partije BiH smatra neprihvatljivim praksu Centralne izborne komisije (CIK) BiH, kojom se od državljanina Bosne i Hercegovine u inozemstvu zahtijeva naknadno registrovanje za izbore prilikom svakog izbornog ciklusa, umjesto da im se to pravo prizna pod jednakim uslovima, kao i drugim građanima BiH.

Predsjedništvo SDP BiH poziva CIK BiH da poštujući ustavne i zakonske odredbe prizna pravo glasa svim državljanima koji su ranije upisani u Centralni birački spisak, bez obzira na njihovo trenutno mjesto prebivališta i bez vršenja naknadnih procedura za koje ne postoji utemeljenje u izbornim propisima BiH. Kako niti jednom ustavnom ili zakonskom odredbom nije predviđeno pravo ili mogućnost državnih organa i tijela da, uoči svakog izbornog ciklusa


sa državljanima BiH u inozemstvu, traže njihovo ponovno legitimiranje i registrovanje, što se iznova zahtijeva čak i od onih državljanina koji su ostvarili pravo glasa na ranijim izborima, SDP BiH zahtijeva od CIK BiH pojašnjenje navedene prakse.

Predsjedništvo SDP BiH traži od CIK-a BiH da preispita i obustavi praksu kojom se državljanima BiH uslovjava ostvarenje prava na izbor uvjetovanjem građana na ponavljano registrovanje, što niti je njihova obaveza, niti je pravo ovog državnog organa da takvo postupanje od građana traže. Ukoliko CIK BiH nastavi sa provedbom dosadašnje prakse, SDP BiH će pokrenuti postupak ocjene ustavnosti ponavljanja procesa upisa birača za glasanje iz inozemstva, uoči svakog izbornog ciklusa, u čemu se mogu prepoznati elementi diskriminacije i

neustavnog djelovanja.

Članovi Predsjedništva su osudili inicijativu Vlade i Skupštine Srednjjobosanskog kantona kojom je predviđeno formiranje nove podijeljene i odvojene srednje škole za djecu Bošnjake u Jajcu. Sramotnim je ocijenjen čin nastavka provedbe segregacije u obrazovnom sistemu, koja dodatno ukazuje na nepokolebljivo opredjeljenje SDA i HDZ BiH da na etničkoj osnovi u potpunosti podijele sve segmente društva, pa i entitet Federaciju BiH i državu u cjelini.

Delegati SDP BiH u Domu naroda Parlamenta FBiH predložit će usvajanje Rezolucije o osudi segregacije u školskom sistemu u Federaciji BiH, kao prvog koraka u suprotstavljanju ovoj separatističkoj pojavi, u punom smislu te riječi.



TUZLANSKI KANTON

## Nusret Helić ponovo kandidat za načelnika Gračanice

U potpuno demokratskoj proceduri utvrđenoj u Statutu i drugim aktima Glavnog odbora SDP BiH kao i Općinskog odbora SDP BiH Gračanica, završen je postupak utvrđivanja kandidatkinja i kandidata za pozicije načelnika, nosioca liste i Općinsko vijeće na predstojećim Lokalnim izborima 2016. godine. Procedure kandidovanja su krenule od mogućnosti kandidovanja i samokandidovanja svakog člana i članice, elektronski i putem pismenih obrazaca, pa do kandidatura od strane svake osnovne organizacije u Općinskog organizaciji SDP BiH Gračanica.

U skladu sa kriterijima koji podrazumijevaju nacionalnu, spolnu i starosnu strukturu, utvrđena je šira lista kandidata za sve pozicije, a na sjednicama Općinskog odbora, utvrđeni su prijedlozi za sve pozicije.

SBK



**Članovi i simpatizeri SDP BiH očistili partizanska groblja u Kiseljaku**

Općinska organizacija SDP BiH Kiseljak je u okviru „Dana SDP-a“ organizovala čišćenje partizanskih spomenika na području Općine Kiseljak. Članovi OO SDP BiH, simpatizeri i školarci koji su se pridružili akciji, sanirali su

Uzimajući u obzir liste i sistem bodovanja, kako je to određeno u posebnom uputstvu Glavnog odbora, na sjednici Predsjedništva OO SDP BiH Gračanica, utvrđen je prijedlog konačnih lista.

Takvu listu je ponovo razmatrao Općinski odbor te je za načelnika jednoglasno izabran Nusret Helić, aktuelni načelnik Općine Gračanica, koji već četrnaest godina uspješno obnaša ovu funkciju, dok je zanosioča liste je jednoglasno izabran Nihad Krajinović, te je usvojena lista kandidatkinja i kandidata za Općinsko vijeće, koja broji 35 imena. Na području općine Gračanica, Socijaldemokratska partija je prva izašla u javnost sa listama koje je potvrdio i Kantonalni odbor i Glavni odbor SDP BiH.

i očistili dva partizanska groblja u Kiseljaku. Obilježavajući Dan pobjede nad fašizmom, članovi OO SDP BiH Kiseljak i antifašisti sa područja Općine, položili su cvijeće na oba partizanska groblja te odali počast svim borcima koji su svoj život dali za odbranu svoje zemlje i svog naroda.

Poseban doprinos dali su učenici Osnovne škole Lepenica, koji su prigodnim recitalima odali počast palim borcima u NOB-u.

Ova akcija je još jednom pokazala da OO SDP BiH Kiseljak iz godine u godinu čini napore da se borba antifašističkog pokreta, i svih onih koji su svoj život dali u toj borbi, ne padnu u zaborav.

ZE-DO KANTON

### Više od 300 kandidata SDP-a za općinska vijeća u Zeničko-dobojskom kantonu

Predsjedništvo KO SDP BiH ZDK potvrdilo je da SDP BiH u ZDK na lokalne izbore 2016. godine za općinska/gradsko vijeće izlazi u svim općinama ZDK, te u pet općina sa kandidatom za načelnika. Predsjedništvo je podržalo liste na kojim je predloženo ukupno 299 kandidata za općinske vijećnike, od toga 128 žena ili 43 posto i 121 kandidat ili 40,5 posto iz reda mlađih. Od 12 nosilaca lista dvije su žene i sedam kandidata iz reda mlađih, što je pozitivan napredak u odnosu

na prethodne izbore. SDP-ovi kandidati za načelničke pozicije u općinama ZDK su: Jasminka Begić (Doboj jug), Mahmutagić Mirsad (Maglaj), Delić Rifat (Zavidovići) i Dlakić Ermin (Visoko) dok će liste za općinska vijeća predvoditi sljedeći kandidatkinje/kandidati: Jekalović Amina (Breza), Todorović Dragica (Usora), Begić Adin (Doboj jug), Mijoč Eldin (Kakanj), Šćepanović Dejan (Visoko), Kaser Vedran (Tešanj), Romić Branko (Vareš), Memić Damir (Zavidovići), Simić Mladen (Zenica), Hodžić Mirad (Olovo), Lokmić Nedžad (Maglaj) i Mehinagić Kemal, nosilac liste za OV Žepče.

REGIJA BANJA LUKA



### Održana Programska konvencija SDP BiH u Banjoj Luci

Programska konvencija Gradske organizacije SDP BiH Banja Luka na kojoj je zvanično predstavljen izborni program ove organizacije za predstojeće lokalne izbore održana je u srijedu, 01.06.2016. godine.

Pored članova i simpatizera, Programskoj konvenciji SDP BiH Banja Luka prisustvovali su i Goran Ljubojević, potpredsjednik SDP BiH i Saša Magazinović, predsjednik Glavnog odbora SDP-a BiH.

Izborni program Gradske organizacije SDP BiH Banja Luka okupljenim članovima i simpatizerima stranke predstavio je Topić Radomir, predsjednik Gradske organizacije. Osim programa, Ljubojević i Magazinović upoznali su okupljene o trenutnoj političkoj situaciji u državi sa posebnim osvrtom na izbore 2016.

Na Konvenciji je predstavljen kandidat GO SDP BiH Banja Luka za predstojeće Lokalne izbore 2016. godine. Fedešin Zoran koji će se za odborničko mjesto boriti na listi nacionalnih manjina.




KANTON SARAJEVO

### Povodom Dana pobjede nad fašizmom održana Svečana sjednica KO SDP BiH Sarajevo

U sklopu realizacije aktivnosti „Dani SDP“, a povodom obilježavanja Dana pobjede nad fašizmom i Dana Evrope, Kantonalna organizacija SDP BiH Sarajevo je organizovala Svečanu sjednicu. U prepunoj sali Doma policije prisutnima se ispred KO SDP BiH Sarajevo obratio predsjednik Igor Kamočaji i ispred SUBNOR-a KS, predsjednik Ibrahim Čomić, te istaknuti član i književnik Hadžem Hajdarević, koji su prisutne podsjetili na historijski značaj antifašizma i govorili o reinkarnaciji fašizma u modernom vremenu i njegovim izazovima.

Predsjednik KO SDP BiH Sarajevo Igor Kamočaji je naglasio kako mu je posebno draga što su aktivnosti koje su realizirane povodom ovoga dana rađene u suradnji sa SUBNOR-om, te kako je jako važno da ove dvije organizacije kao glavne brane nadolazećem fašizmu u društvu konstantno grade drugarski odnos i rade skupa. Također je podsjetio da je ovo i Dan zlatnih llijana i Dan logoraša i iskoristio ovu priliku da još jednom ukaže na njihov društveni položaj kao i potrebu za njegovim unapređenjem. Pozvao je sve prisutne da daju svoj doprinos u izbornoj kampanji na predstojećim lokalnim izborima i najavio da je ovaj događaj uverit će za predstojeće aktivnosti Kantonalne organizacije SDP BiH Sarajevo.



TUZLANSKI KANTON

## Smjena dr. Muhameda Osmanovića je šamar u lice svim građanima Kalesije

Nakon nešto više od mjesec dana provedenih na poziciji v.d. direktora JZU Dom zdravlja Kalesija, na sjednici Upravnog odbora Muhamed Osmanović je smijenjen s te pozicije, ali su svi građani općine Kalesija ostali uskraćeni za stvarni razlog smjene.

Iako je kalesijski Dom zdravlja, zahvaljujući politici kalesijske SDA, sve više ličio na šofer-sko-domarsko-ložačku firmu, dr. Muhamed Osmanović je za nešto više od mjesec dana uspio preporoditi ovu ustanovu olakšati liječenje hiljadama pacijenata. Od mnogih odličnih stvari koje su urađene u proteklom periodu, svakako treba izdvojiti drugu smjenu porodične medicine u Tojišćima, za koju su bivši direktor i kalesijska SDA smatrali da je nemoguća misija.

Svakako, ovome treba dodati i zaustavljanje stranačkog potkusurivanja i bespotrebnog nagomilavanja nemedicinskog kadra, pa se s pravom pitamo da li je i ovo jedan od razloga smjene dr. Osmanovića? Građane Kalesije želimo napomenuti da ugovor o radu supruge predsjednika Kluba vijećnika SDA u OV Kalesija Adnana Kamerića (Kamerić Alena) uskoro ističe, te je dr. Osmanović planirao za ovo, kao i za sva naredna radna mjesta, raspisati konkurs. Ne treba zaboraviti niti činjenicu da je dotična

u posljednjem periodu radila u čak tri Javne ustanove, a većina građana Kalesije nikada nije ni čula da u nekoj Javnoj ustanovi postoji potreba za novim radnicima.

Novi Upravni odbor JZU Dom zdravlja Kalesija sastoji se od dva vijećnika u Općinskom vijeću Kalesija, te kćerke najpoznatijeg vijećnika u državi. Iako su svo troje zaposleni u Javnim ustanovama, nisu propustili priliku da mjesечно, za članstvo u UO, dobivaju po 300 KM. "Moralne vertikale", oличene u ova tri člana Upravnog odbora, su nažalost samo egzekutori loše politike koju godinama provodi kalesijska SDA, a ta politika je Kalesiju dovela na rub propasti i na poziciju jedne od najnerazvijenijih općina u državi.

Nenarodna vlast, predvođena kalesijskom SDA, smijenila je dr. Muhameda Osmanovića ne pitajući ni pacijente ni zaposlene, te je tako zaustavila trend pozitivnih promjena u ovoj Javnoj ustanovi. Smjena dr. Osmanovića je šamar u lice svim građanima općine Kalesija, a nepravdu koju su učinili i prema dr. Muhamedu, ali i prema svima nama, možemo ispraviti samo ukoliko izađemo na izbore 2. oktobra, damo glas dr. Muhamedu Osmanoviću i dopustimo mu da Kalesiju povede u bolju i svjetliju budućnost.

ovom pitanju i uvjeren je da će spomenik za 102-joje ubijene prijedorske djece u periodu 1992.-1995.godine biti izgrađen.

"Radimo koliko možemo da se u Prijedoru zadrži stabilna situacija i da se nastavi izgradnja suživota", rekao je Jakupović ističući da suosjeća sa žrtvama i da niko ne može da opravda ono što se desilo 1992.i 1993. u tom gradu.

Inicijativa za izgradnju spomen-obilježja ubijenoj djeci Prijedora zvanično je dostavljena prijedorskemu parlamentu 25.novembra 2014. godine.

U Prijedoru, ali i u drugim gradovima BiH, obilježen je "Dan bijelih traka" na sjećanje na 31. maj 1992. godine i narednu koju se izdale ratne vlasti Prijedora, da svi nesrbi u tom gradu označe kuće bijelim plahtama, a po izlasku iz kuće bijelu traku stave oko ruke. Jedan od zahtjeva koji iznose udruženja koja obilježavaju taj dan jeste i podizanje Spomen-obilježja ubijenoj djeci Prijedora.

REGIJA PRIJEDOR



## Inicijativa za izgradnju spomenika ubijenoj djeci u Prijedoru

Predsjednik Skupštine grada Prijedora Sead Jakupović (SDP BiH) najavio je da će gradska Skupština na narednoj sjednici uvrstiti u dnevni red inicijativu za izgradnju spomen-obilježja djeci ubijenoj tokom ratnog perioda na području Prijedora.

Jakupović je kazao da se već duže vrijeme vode aktivnosti o postizanju konsenzusa o



UNSKO-SANSKI KANTON

## Adel Eskić nosilac liste SDP BiH za Općinsko vijeće Velika Kladuša

Općinski odbor SDP Velika Kladuša je potvrdio 32 kandidata koji će se naći na listi SDP-a za predstojeće lokalne izbore.

Za nosioca liste izabran je Adel Eskić, predsjednik Općinske organizacije SDP Velika Kladuša. Na listi će se naći 40 posto žena i više od 40 posto mlađih kandidata, dok je prosječna starost liste 34 godine, što je najmlađa ponuđena lista ikada ili čak najmlađa lista u poslijeratnoj historiji Velike Kladuše. Više od 90 posto kandidata prvi put učestvuje u izbornom procesu i nikada nisu činili dio izvršne i zakonodavne vlasti.



ZENIČKO-DOBOSKI KANTON

## U Kaknju obilježena godišnjica smrti Josipa Broza Tita

Općinska organizacija SDP BiH Kakanj sazvala je sjednicu Odbora na dan 36-godišnjice Titove smrti. Kao vođa KPJ Josip Broz Tito, predvodio je u Drugom svjetskom ratu partizanski pokret (Narodnooslobodilačka vojska), a iz rata je izašao kao legendarni vođa.

Sjednica u povodu obilježavanja godišnjice Titove smrti prilika je da se stariji podsjeti, a mladi nauče što više djelima Josipa Broza Tita, narodnooslobodilačkoj borbi, postratnom razvoju SFRJ i jačanju njenog ugleda u svijetu zahvaljujući Titovom ugledu i uticaju. Tito je bio jedan je od osnivača Pokreta nesvrstanih, što je u tadašnjim međunarodnim okolnostima imalo veliki značaj. Njegova uloga u tom pokretu, u poznjoj fazi, posebno je upamćena po dosljednom nastojanju da se nesvrstani zadrže po strani od uticaja pojedinih problokovskih predsjedljenih članica.

OO SDP BiH Kakanj i UG "Josip Broz Tito" počinut će se da se aktivnosti obilježavanja značajnih istorijskih datuma nastave i dalje obilježavati.

## Sanjin Saračević nosilac liste SDP BiH za Opštinsko vijeće Novi Grad Sarajevo

Opštinski odbor SDP Novi Grad Sarajevo je potvrdio 36 kandidata koji će se naći na listi SDP-a za predstojeće lokalne izbore.

Za nosioca liste izabran je dr. Sanjin Saračević, aktualni predsjednik Kluba vijećnika u Opštinskom vijeću. Prosječna starost liste 36 godina, što je najmlađa ponuđena lista u ovoj općini ikada. Više od 90 posto kandidata prvi put učestvuje u izbornom procesu i nikada nisu činili dio izvršne i zakonodavne vlasti. Prethodno je Opštinska organizacija odlučila da će kandidatkinja za načelniku biti Edita Sulejmanović.

# Vijećnici za sve nas!



Adel ESKIĆ

Velika Kladuša



Razim HALKIĆ

Cazin



Fatka KULENOVIĆ

Bihać



Adis DŽAFIĆ

Bosanska Krupa



Armin VELIĆ

Bužim



Fikret Halilović

Novi Grad /RS/



Mensur VOJNIKOVIĆ

Kozarska Dubica



Za sve nas!

Sead JAKUPOVIĆ

Prijedor



Goran ĐUKIĆ

Gradiška



Petar SOTELE

Prnjavor



Fadil PELESIĆ

Derventa



Za sve nas!

Senad ŽEPČAN

Brod



Damir HAMIDOVIĆ

Odžak



Damad KARIĆ

Vukosavlje



Besim DERVIŠBEGOVIĆ

Orašje



Mustafa MUSTAJBEGOVIĆ

Modriča



Enir ŠAKIĆ

Gradačac



Nail SOBO

Bijeljina



Adnan DRUŽIĆ

Bosanski Petrovac



Almin HOPOVAC

Sanski Most



Zoran FEDEŠIN

Banja Luka



Emira KARIĆ

Doboј Istok



Adin BEGIĆ

Doboј - Jug



Almir DŽANIĆ

Doboј



Vedran KASER

Tešanj



Nedžad LOKMIĆ

Maglaj



Nihad KRAJINOVIĆ

Gračanica



Adem MAHOVKIĆ

Lukavac



Za sve nas!

Ziher SULJIĆ

Srebrenik



Aleksandar VUJADINOVIC

Tuzla



Za sve nas!

Mustafa MEŠKOVIĆ

Čelić



Vedad ALAGIĆ

Lopare



Halid ABDULAHOVIC

Teočak



Abdulah ČOLIĆ

Ugljevik



Emil KOLJIĆ

Ključ



Edina KURT

Jajce

# Vijećnici za sve nas!



Senad ZAHIROVIĆ

Kotor Varoš



Mehmed DUBRAVAC

Teslić



Kemal Mehinagić

Žepče



Damir MEMIĆ

Zavidovići



Mirnes MUJKIĆ

Banovići



Nusret MAMIĆ

Živinice



Senad ŠMIGALOVIĆ

Kalesija



Elvir MEMIĆ

Sapna



Vehid KADRIĆ

Zvornik



Za sve nas!

Slavko VIŠEKRUNA

Bosansko Grahovo



Za sve nas!

Enver SMAJIĆ

Glamoč



Admir POTUROVIĆ

Donji Vakuf



Salim ŠABIĆ

Travnik



Mladen SIMIĆ

Zenica



Eldin MIJOĆ

Kakanj



Za sve nas!

Branko ROMIĆ

Vareš



Mirad HODŽIĆ

Olovo



Refik AVDIĆ

Kladanj



Za sve nas!

Slaviša ŠEVKUŠIĆ

Šekovići



Adil OSMANOVIĆ

Bratunac



Hakija MEHOLJIĆ

Srebrenica



Nijaz GOLUB

Livno



Za sve nas!

Ramo UGARAK

Kupres



Admir ŠKANDRO

Bugojno



Gornji Vakuf - Uskoplje



Novi Travnik



Tamara VUJINOVIĆ

Vitez



Faruk ŠEČIĆ

Busovača



Emir MEMIJA

Fojnica



Zaim Beriša

Kiseljak



Visoko



Breza



Alan ŠERAK

Ilijas



Ramo ČARDAKOVIĆ

Han Pijesak



Avdija ĐUGUM

Tomislavgrad



Za sve nas!

Omer MANOV

Prozor - Rama

# Vijećnici za sve nas!

					 <b>SDP</b> Za sve nas!
Ismet LULIĆ Jablanica	Suad GOLUBIĆ Konjic	Mirjana BAN Kreševac	Mirsad DUPOVAC Hadžići	Samir AVDIĆ Ilička	Goran MARIĆ Istočna Ilička
					
Sanjin SARAČEVIĆ Novi Grad Sarajevo	Besima BORIĆ Vogošća	Igor STOJANOVIĆ Centar Sarajevo	Irfan ČENGIĆ Stari Grad Sarajevo	Samir SULJEVIĆ Novo Sarajevo	Munib TORLAK Trnovo
 <b>SDP</b> Za sve nas!					
Mirnes ČUTUK Pale /FBiH/	Kemal LIHIĆ Rogatica	Dragan Iličić Grude	Izet BAŠIĆ Foča /FBiH/	Jasmin BEŠLIJA Goražde	Medin DŽAFOVIĆ Novo Goražde
			 <b>SDP</b> Za sve nas!		
Milada ORMAN Ljubuški	Vildana SJEKIRICA Čapljina	Svetko KONJEVOD Neum	Demir MAHMUTČEHAJIĆ Stolac	Hasan NIKONTOVIC Trebinje	Safet FETINCI Usora
 <b>SDP</b> Za sve nas!			 <b>SDP</b> Za sve nas!		
Mile ČOPIĆ Kostajnica	Suad BURIĆ Brčko				



ZENIČKO-DOBOSKI KANTON

## SDA Tešanj odbio zaključak da se stane u kraj stranačkom i rodbinskom zapošljavanju

Tešanski SDA mjesecima pokušava javnost općine Tešanj i Bosne i Hercegovine ubijediti da su drugačiji od svoje centrale u Sarajevu, na čelu sa Bakrom Izetbegovićem. Da se radi o istom „paru opanaka“ najbolje se to vidjelo na 41. sjednici OV Tešanj na kojoj su na Dnevnom redu bile Informacije o radu i poslovanju javnih preduzeća i ustanova za 2015. godinu, čiji je osnivač Općina Tešanj. Vijećnici SDP-a su, kao i većina vijećnika iz drugih stranaka, istakli pozitivne trendove na prostoru općine Tešanj, ali su naravno, vijećnici SDP-a, ukazali i na pojave koje treba otkloniti kako bi kvalitet usluga u Javnim ustanovama i preduzećima bio na višem nivou, a na zadovoljstvo svih građana općine Tešanj. Vijećnici SDP-a su istakli da su JU i JP na prostoru općine Tešanj pod velikim političkim pristiskom vladajuće SDA, te da se stiče dojam da iste, veoma često, posluju pod velikim političkim pristiskom, što dovodi do brojnih

afera, pogotovo kada su izbori direktora u pitanja, a kada JU i JP na sudskim sporovima gube na desetine hiljada KM, a da za to niko ne snosi odgovornost.

Tokom rasprave Klub vijećnika SDP-a je, pored ostalih zaključaka, predložio i zaključak:

„Zapošljavanje u JU i JP provoditi na maksimalno transparentan način (konkurs, kriteriji, transparentnost) i onemogućiti stranačko i rodbinsko zapošljavanje.“

Mislili smo da predloženi zaključak doprinosi stvaranju još boljeg ambijenta na prostoru općine Tešanj i da će dobiti jednoglasnu podršku OV Tešanj. Nažalost, vladajuća SDA je, bez valjanih razloga, odbila predloženi zaključak. Ovim je SDA Tešanj pokazala da su prepiske između predsjednika SDA Tešanj i predsjednika SDA BiH čista farsa i igra za široke narodne mase, te vjerujemo da će građani to prepoznati.

### HNK

ru donošenja ove, kako kaže, najrazboritije odluke u datom trenutku.

„U vremenu koje dolazi smatram da je najvažnije pokazati i učvrstiti razboritost, trezvenost i otvorenost svih onih koji sudjeluju u ovom složenom društvenom pothvatu, odnosno onih koji nose najveći teret njegove provedbe. Okupljanje oko zajedničkog cilja podrazumijeva razgovor i sučeljavanje argumenata u cilju traženja zajedničkog rješenja i dogovora. Svi smo često svjedoci koliko je kratak put od dogovaranja do ogovaranja, do čega ne smije dolaziti.“

Uspjeh pokrenutih procesa podrazumijeva uključivanje svih, ma koliko različitih, a nikako isključivanje makar i jednog čovjeka. Različitost promišljanja do kojih dolazi i do kojih će doći treba shvatiti kao oruđe u cilju dolaženja do najoptimalnijeg rješenja, a nikako kao oružje jednoga protiv drugoga. Najpogubnije postupanje u ostvarenju zajedničkog cilja jeste okretanje leđa razgovaranju, čime se otvaraju vrata razdoru, sumnji i ogovaranju. Ne sumnjam da će oni unutar procesa koji su i do sada pokazivali razboritost, strpljenje i mudrost i dalje nastaviti da na jednak način grade odnose među svim učesnicima ovog projekta“, kaže u svojoj izjavi Dizdar.



## Predsjedništvo SDP BiH dalo podršku listi Inicijativa za Stolac

Predsjedništvo SDP BiH je na jučerašnjoj sjednici dalo podršku formiranju koalicijske liste pod nazivom Inicijativa za Stolac. Ovim činom je potvrđeno dugogodišnje i nedvosmisleno opredjeljenje SDP BiH usmjereno jasnom suprotstavljanju činiteljima koji godinama građane Stoca drže u stanju siromaštva, diskriminacije, segregacije i poniznosti. Ovu vijest je saopštio član Glavnog odbora SDP-a BiH Nerin Dizdar, koji je u svojoj izjavi izrazio zadovoljstvo što su svi članovi Predsjedništva SDP BiH iz Hercegovine, zajedno sa predsjednikom SDP BiH Nermom Nikšićem, svojim jasnim, trezvenim stavovima usmjerili Predsjedništvo u smje-



KANTON SARAJEVO

## Eldin Bajramović kandidat za načelnika Općine Vogošća

SDP BiH Vogošća je na programskoj konverciji istaknula svog kandidata za načelnika Općine Vogošća – Eldina Bajramovića, koji je dugogodišnji član i aktivista SDP-a. U svom prvom obraćanju članovima i simpatizerima SDP-a, Bajramović je istaknuo razloge i povode svoje kandidature. „Godinama sebi postavljam pitanje „Šta ja radim u ovoj zemlji i zašto ne idem iz nje“? Postoje zemlje gdje se živi bolje, gdje je znanje, kreativnost, sposobnost ključ uspjeha. Međutim, ovo je moja zemlja i moji ljudi. Ovo je mjesto gdje želim živjeti bolje, gdje su ljudi zasluzili da žive bolje. Veliku čast i veliku obavezu mi je učinio SDP kada me je kandidirao za načelnika općine Vogošća. Kandidatura je jednostavno bila izraz SDP-ove politike davanja prednosti mладима, ali i postavljanju kriterija sposobnosti, kreativnosti, stručnosti na prvo mjesto. S druge strane imam naš Izborni program, koji je naša vizija Vogošće kao mjesta lijepog življenja. To je skup naših osjećanja, misli, želja i ideja da Vogošću napravimo mjestom lijepog življenja. Plan, kojim ćemo svima pokazati da mi možemo bolje“, rekao je Bajramović na Programskoj konvenciji SDP Vogošća.


### ZE-DO KANTON



## Listu sa više od 50 posto mladih predvodi Vedran Kaser

U dugoj proceduri formiranja Izbornih lista SDP-BiH Tešanj, za Lokalne izbore za Općinsko vijeće Tešanj, održana je sjednica Općinskog odbora SDPBiH Tešanj u Domu kulture Kraševu, proširena sa predsjednicima osnovnih i interesnih organizacija SDPBiH Tešanj.

Na Dnevnom redu, pored ostalog, našla se i Izborna lista sa kandidatima, koja je prošla dugu proceduru od evidentiranja u osnovnim i interesnim organizacijama SDPBiH Tešanj, kancelariji SDP-a ili samokandidiranja, preko provjere formalnih propisa SDPBiH i CIK, Kadrovske komisije i višekratnog usaglašavanja na nivou Predsjedništva SDPBiH Tešanj i konačnog usvajanja od Općinskog odbora SDPBiH Tešanj. Općinski odbor je, nakon rasprave, usvojio predloženu listu, koja će biti predmet razmatranja i potvrđivanja viših, nadležnih organa SDPBiH. Listu sa više od 50 posto mladih i više od 40 posto žena predvodi mladi Vedran Kaser, a ona odgovara strukturi lokalnog stanovništva.



KANTON SARAJEVO

## Umjesto koncepta „bošnjačkog jedinstva“, nudimo koncept „sarajevskog jedinstva“

Kantonalni odbor SDP BiH Sarajevo ne prihvata etničku getoizaciju glavnog grada BiH koju zagovaraju SDA i SBB, i žalosno je da se nakon hiljadugodišnjeg bogatstva različitosti i u 2016. godini moramo politički boriti za nešto što je civilizacijska tekovina Sarajeva i BiH. KO SDP Sarajevo poručuje da o ovom pitanju nema političkog kompromisa.

KO SDP Sarajevo potvrdio je verifikaciju kandidata općinskih organizacija iz Kantona Sarajevo za načelnike općina i pune multietničke liste za sva općinska vijeće, i iste prostrijedio organima SDPBiH na konačno verificiranje te će SDP BiH u najmanje četiri opštine u Kantonu Sarajevo imati kandidate za načelnika. U Općini Centar kandidat je aktuelni predsjednik KO SDP Sarajevo Igor Kamočaji, u Općini Novi Grad Sarajevo to je Edita Sulejmanović, dok je u Općini Iličić kandidat Elvis Hadžić. U Općini Vogošća kandidat je Eldin Bajramović.

KO SDP Sarajevo će izaći sa kandidatom za gradonačelnika Grada Sarajeva, tokom izborne kampanje, kako bi građani Sarajeva znali kome će SDP BiH dati podršku da nastavi voditi grad.

Cijene usložnjene političke prilike i raspad parlamentarne većine u Kantonu Sarajevo, KO SDPBiH poziva Vladu Kantona Sarajevo i premijera Elmedina Konakovića da odmah podnesu ostavke, jer je sasvim jasno da aktuelna Vlada nema koaliciju većinu iz reda zastupnika SDA-SBB-BPS. U suprotnom, neka Vlada i Premijer objasni i pojasni građanima Kantona Sarajevo ko su zastupnici u Skupštini koji čine parlamentarnu većinu i podržavaju aktuelnu Vladu. U proteklom mandatu Vlade Kantona Sarajevo, pod vodstvom SDA, vidjeli smo šta znači „radeljašizacija“ Kantona, čemu će se SDP, kao odgovorna politička partija oštrosuprotstaviti putem svojih zastupnika u Skupštini Kantona Sarajevo.



HNK

## Akcija čišćenja Partizanskog groblja u Čapljini

Partizansko groblje na lokaciji Modrič u Čapljini, na kojem je sahranjeno 218 čapljinskih partizana, i u čiju čast je podignuto Spomen obilježje, devastirano je u posljednjem ratu u periodu od 1991- 1995. godine. O ljudima koji su tada položili svoje živote za slobodu svih naših naroda, današnja vlast u Čapljini ne vodi nikakvog računa. Od završetka rata, pa do danas, Općina Čapljina nije poduzela niti jedan korak za očuvanje ovog groblja i spomenika. Međutim, da groblje ne ostane zapušteno

pobrinuo se OO SDP Čapljina, zajedno sa svojim Forumom mlađih SDP Čapljina. Organizirana je akcija čišćenja Partizanskog groblja, a na Dan mladosti, rukovodstvo OO SDP Čapljina i FOM SDP Čapljina, položilo je cvijeće na spomenik.

Ovakvim djelovanjem žele jasno poručiti, da ne zaboravljaju vrijednosti antifašizma i narodnooslobodilačke borbe i da će se nastaviti boriti protiv svih oblika fašizma kojeg u današnjem društvu ima u svim segmentima života.



**Ermin Dlakić kandidat za načelnika, Dejan Šćepanović nosilac liste za Općinsko vijeće**

Općinska organizacija SDP Visoko je održala press-konferenciju na kojoj su predstavili svoje kandidate za predstojeće Lokalne izbore 2016. Ermin Dlakić je kandidat za načelnika općine Visoko, dok je Dejan Šćepanović nosilac liste za Općinsko vijeće.

„Općinski odbor SDP-a je odlučio da prvi na našoj općini izađe sa kandidatom za načelnika, odnosno nosiocom liste. Sa zadovoljstvom možemo predstaviti našeg kandidata za načelnika Ermina Dlakića, odnosno nosioca liste Dejana Šćepanovića, aktuelnog vijećnika, po kojem je ovo vijeće aktuelno i prepoznatljivo. SDP je procesu izbora kandidata za načelnika imao tri kandidata, a najveći broj glasova je bio za Ermina Dlakića“, rekao je Husić.

Dejan Šćepanović je rekao da je za njega velika čast biti nosilac liste te predstavio ukratko svoj dosadašnji rad.

USK



**Dugotrajna zadržavanja na GP Izačić su prepreka razvoju turizma USK**

Granični prijelaz Izačić (BiH) – Ličko Petrovo Selo (HR-EU) nakon višemilionskog ulaganja zaista izgleda mnogo bolje nego prije, ali bez obzira na to i dalje egzistira veliki problem dugotrajanog zadržavanja putnika, naročito u ljetnim mjesecima.

Gužve stvaraju problem stanovnicima Unsko-sanskog kantona (USK), kao i turistima, kojima su izuzetno privlačne prirodne ljepote ovog kraja.

SDP BiH, putem zastupnika u Skupštini USK i Parlamentu BiH, inicira rješavanje ovog problema, kako bi kontrole trajale kraće i kako bi se koristili svi kapaciteti koje pruža ovaj granični prijelaz. Nije tajna da mnogi turisti odustaju od posjete USK, iz razloga što im je „maltretiranje“ prilikom prelaza granice jednostavno neprihvatljivo. Dugotrajna pasoška kontrola uz izlazak putnika iz autobusa je pojava zbog koje mnogi ne žele krenuti prema ovom kantonu.

Albin Muslić, zastupnik u Skupštini USK, koji je više puta iznosio ovaj problem, još jednom će inicirati njegovo rješavanje, te prenijeti zahtjeve i očekivanja građana. On smatra da je rješenje moguće, te da se stanovnicima USK, ali i turistima, koji žele posjetiti ovaj dio BiH, mora osigurati mnogo brži prelazak granice.



TUZLANSKI KANTON

## Nova afera sa namještanjem radnih mjesta u Lukavcu

Kantonalni odbor SDP-a je obaviješten od strane niza mladih inženjera sigurnosti u Tuzli o teškom kršenju zakona u proceduri raspisivanja konkursa za radno mjesto „Stručni saradnik za mjere sklanjanja ljudi i materijalnih dobara, zaštite i spašavanja od rušenja i klizišta i zaštite okoliša u Službi civilne zaštite – 1 (jedan) izvršilac“, a koji je raspisan od strane Državne agencije za državnu službu. Uvidom u sporni konkurs vidljivo je da se, kao poseban uslov za zapošljavanje, navodi posjedovanje „Certifikata međunarodnih standarda i zakonske regulative iz područja sigurnosti i zdravlja na radu, požarne sigurnosti i zaštite okoliša u BiH“.

Detaljnom provjerom utvrdili smo da se radi o certifikatu koji je dodjeljivan polaznicima Ljetnog univerziteta 2012. godine za uspješno pohađanje jedne od teme koje se kroz ljetni univerzitet u Tuzli izučavaju godinama potpuno fakultativno, odnosno kao neobavezujući i neformalan oblik edukacije.

Kako ovaj certifikat nije dio formalne naobra-

zbe, a edukacija je izvedena samo jednom i samo 2012. godine, isticanje posjedovanja istog kao uslova pri zapošljavanju je težak oblik diskriminacije. Većina potencijalno zainteresiranih nisu niti znali da se održava ovakav vid edukacije. Očigledno je da se ovim „iscrtava profil“ povoljnog stranačkog kadra koga je nužno „uhljebiti“ prije oktobarskih izbora, jer je sadašnja garnitura sasvim svjesna gubitka vlasti u Lukavcu na jesen. Konkursima se ne smiju propisivati dodatni uslovi osim onih koji su direktno vezani za konkretno radno mjesto i navedeni u sistematizaciji, a posebno ne uslovi kojim će se diskriminirati bilo koji kandidat. Jednokratni certifikat koga su imali priliku prije četiri godine dobiti manji broj učesnika nikako ne može biti uslov za eliminaciju prava na konkurs bilo kom kandidatu. Pozivamo Agenciju za državnu službu da odmah i bezuvjetno poništiti skandaloznu i diskriminirajuću odredbu Konkursa i utvrdi odgovornost službenika koji su pripremili ovakav konkurs.



REGIJA BRČKO

Suad Burić nosilac liste SDP BiH na prestojećim Lokalnim izborima u Brčko distriktu BiH

Odbor organizacije SDP BiH Brčko distrikta BiH je potvrdio 34 kandidata koji će se naći na listi SDP-a za predstojeće lokalne izbore, te dva kandidata za listu nacionalnih manjina.

Za nosioca liste izabran je Suad Burić, predsjednik Organizacije SDP BiH Brčko distrikta BiH.

Više od 80 posto kandidata prvi put učestvuje u izbornom procesu i nikada nisu činili dio izvršne i zakonodavne vlasti. Ovim je okončan proces pripreme SDP BiH Brčko distrikta BiH za nadolazeće izbore, a ova organizacija će se usmjeriti na komunikaciju sa građanima u kojem ćemo predstaviti naš Program za koji vjerujemo da će svojim kvalitetom i rješenjima koja nudimo dobiti podršku naših sugrađana.



## Početak razotkrivanja kriminalne hobotnice u Bihaću

Više od tri godine svjedočimo uzurpaciji Gradske uprave od strane "operativnog gradonačelnika" Smaila Toromanovića, za kojeg se ne zna kakvu uopće funkciju vrši, ali se pouzdano zna da u džepu drži gradonačelnički faksimil i da pored Zakonom utvrđene strukture državne službe, bahato i nezakonito upravlja gradom, kažu iz Gradske organizacije SDP Bihać.

„U takvoj situaciji, logično se bilo zapitati, zašto je to tako i gdje je izabrani gradonačelnik Emdžad Galijašević, koji se umjesto svojim poslom, uglavnom bavio zauzimanjem medijskog prostora, "naslikavajući" se na "veresiji" od skoro osam miliona KM koju je stvorio zajedno sa "operativnim gradonačelnikom", usput prosipajući vlastitu demagogiju.

I taman kada je vlaštu opijeni dvojac umislio da je njihova politička, pa i druga moć, bezgranična, da su postali nedodirljivi vladari svega i svačega u gradu Bihaću, došlo je do naglog triježnjenja zahvaljujući Federalnoj upravi policije i Tužilaštву USK, a njihov kriminal je razotkriven kada su uhvaćeni "in flagrant", ili, po narodski, sa rukama u vreći.

Po svemu sudeći, ovo je samo početak razotkrivanja kriminalne hobotnice na području grada Bihaća čiji su glavni akteri za sada "na sigurnom", čekaju trenutak istine i odgovornosti za pljačku gradske imovine i reketarenja naših uglednih privrednika, što je već duže vrijeme javna tajna u Bihaću", navodi se u saopštenju GO SDP Bihać.



ZENIČKO-DOBOSKI KANTON

## Jasminka Begić ponovo kandidatkinja za načelnicu općine Doboј Jug


Aktuelna načelnica općine Doboј Jug Jasminka Begić kandidovana je za još jedan mandat na ovoj funkciji na narednim Lokalnim izborima.

Jasminka Begić rođena je 20.juna 1965.godine u Doboju.

Prije stupanja na dužnost načelnice općine Doboј Jug obavljala je poslove prosvjetnog radnika u Osnovnoj školi „21. mart“ u Matuzićima.

Na proteklim izborima u konkurenciji četiri kandidata za načelnika općine Doboј Jug izborila je ubjedljivu pobjedu.

Jasminka Begić je dugo godina politički aktivna, voj aktivizam ispoljava i u nevladinom sektoru gdje sa ostalim aktivistkinjama, u Udruženju žena „Žena 21.vijeka“ učestvuje u kreiranju društvenog života i civilnog društva općine.



## SDP Crne Gore obilježio deset godina nezavisnosti države

Socijaldemokratska partija Crne Gore je na Cetinju održala svečanu konvenciju "Decenija proglašenja nezavisnosti i Dan SDP-a", kojoj je prisustvovao veliki broj članova i simpatizera, ali i brojni gosti.

"SDP može reći da je kao jedina crvena građanska nit koja je časno trajala četvrt vijeka na pravoj strani istorije", rekao je predsjednik SDP-a Crne Gore Ranko Krivokapić i dodao da je pred SDP-om zbog obmanutih želja i nuda mnogih građana, ostalo da uradi još mnogo povodom socio-ekonomskog stanja u državi, jer se narod ne smije rastočiti u ovim nejednakostima.

Krivokapić je istaknuo da je u Crnoj Gori kao državi, ali i u životu, uvijek bilo lakše pobijediti druge, nego same sebe, te da je zato

NATO koji je vratio mir u Evropi i na Balkanu, privilegija za Crnu Goru.

"On je zajednica vrijednosti u kome je vladavina prava vrhovna vrijednost. Zbog toga Crna Gore mora biti svima dostojan partner. Pred nama je nova velika pobjeda Crne Gore, a to je složna Crna Gora, Crna Gora razvoja, stvaranja gdje nećemo biti samo služe, već stvaraoci, gdje nećemo praviti rast bez razvoja, i otvarati fakultete koji služe njima, a ne mladosti. Mjera Crne Gore treba da bude razvoj mladosti, one koja će ostati i vratiti nam se, a ne odlaziti, jer nam ne treba prazna Crna Gora. Samo ukoliko bude pravična, slobodna i nezavisna, može biti vječna Crna Gora." zaključio je Krivokapić.



## SDSM predložila opoziv makedonskog predsjednika Đorda Ivanova

Makedonski parlament počeo je plenarnu raspravu o inicijativi opozicije za opoziv predsjednika države Đorda Ivanova zbog kontroverzne odluke o aboliciji 56 političara i njihovih saradnika.

Prijedlog za opoziv Ivanova podnijela je opoziciona Socijaldemokratska stranka Makedonije (SDSM) jer smatra da je njegov potez protivustavan, a podržala je albanska partija DUI, koja je dio vlasti.

Eventualnu odluku za početak postupka pred Ustavnim sudom za utvrđivanje odgov-

ornosti Ivanova treba da doneše najmanje 82 od 123 poslanika u parlamentu u kojem vladajuća VMRO DPMNE ima 60 poslanika. Opciona SDSM je postupak za ispitivanje odgovornosti Ivanova inicirala 13. aprila, dan pošto je makedonski predsjednik donio odluku o pomilovanju 56 osoba.

Ivanov je te odluke poništio u dva navrata posle brojnih zahtjeva opozicije i međunarodne zajednice, kao i svakodnevnih građanskih protesta.



## Sadiq Khan postao novi gradonačelnik Londona

Sadiq Khan je izabran za novog gradonačelnika Londona, a ovaj britanski poslanik pakistanskog porijekla za devet posto je nadmašio svog konzervativnog rivala Zaca Goldsmitha. Nakon pobjede, popeo se na podijum i kazao: "Hvala Londonu, najvećem gradu na svijetu. Ponosan sam na naš grad. Zahvaljujem se na povjerenju koje ste mi ukazali".

Khan, koji je inače prvi gradonačelnik musliman u ovom gradu, dobio je ukupno 1.310.143 glasova - 57 posto od ukupnog broja u odnosu na Zaca Goldsmitha koji je osvojio 994.614 glasova.

"Želim da svaki stanovnik Londona ima mogućnost kakvu ste vi dali meni i porodici. Mogućnosti, ne samo da prežive nego da napreduju. Ovi izbori nisu bili kontroverzni i ponosan sam da je London bio jednoglasan bez straha od podjele. Nadam se da se takvo nešto nikada neće desiti", rekao je Khan.

Sadiq Khan je aktivni političar, aktivista za ljudska prava i advokat. Njegovim dolaskom na mjesto gradonačelnika, London je postao prva metropola na Zapadu koja na čelu ima muslimana. Britanski mediji tokom predizborne kampanje objavili su brojne priloge o Khanu, navodeći teško odrastanje u četvrti Tooting koju naseljavaju imigranti iz Indije i Pakistana, priču o odricanjima njegovih roditelja – ocu vozaču autobusa i majci krojačici – koji su se trudili prehraniti višečlanu porodicu, školovanju i studiranju, karijeri advokata u čijem su fokusu bila ljudska prava. Na kraju je postao ministar u vladu Gordona Browna, te zastupnik Laburističke partije u britanskom Parlamentu.





## Saučešće predsjednika Nermina Nikšića Jeremyju Corbynu povodom tragične smrti Jo Cox

Povodom tragične smrti Jo Cox, britanske parlamentarke i članice Laburističke partije Velike Britanije, Nermin Nikšić, predsjednik Socijaldemokratske partije BiH, uputio je izraze saučešća Jeremyju Corbynu, predsjedniku Laburističke partije.

„U ime Socijaldemokratske partije Bosne i Hercegovine i svoje ime, izražavam, Vama i svim članovima Laburističke partije, izraze dubokog saučešća, povodom tragične smrti Vaše članice i britanske parlamentarke Jo Cox.

Njena tragična smrt nije samo zločin ili manifest mržnje, nego je to i napad na sve demokratske vrijednosti koje ljevičarske stranke mukotrpno grade i čuvaju.

Ovo nemilosrdno krivično djelo je znak da socijaldemokratija u ovim vremenima ne bi tre-

bala biti samo opozicija potezima vladajućih stranaka, nego i opozicija svemu onome što može naškoditi životu svakog običnog čovjeka, žene ili djeteta.

Žene u politici su garant za osiguranje svjetlijе budućnosti i implementaciju politika koje će izgraditi sistem socijalne pravde utemeljen na slobodi, jednakosti i solidarnosti, a napad na ove vrijednosti, u vidu ovog gusnog čina, predstavlja veliki gubitak za Laburističku partiju, narod Velike Britanije i sve nas koji njegujemo iste vrijednosti“, navodi se u pismu saučešća.

Jo Cox je imala posebne veze i sa Bosnom i Hercegovinom, a svom je prvom djetetu, djevočici, dala bosansko ime prema žrtvi genocida koju je upoznala u Srebrenici. Iza sebe je ostavila muža i dvoje djece.



## Christian Kern iz SPO novi kancelar Austrije

Austrijski predsjednik potvrdio je novog kancelara Christiana Kerna, iz austrijske Socijaldemokratske stranke SPO na čelu vlade, rekavši mu da pred sobom ima vrlo odgovornu dužnost.

“Preuzet ćete veliku, lijepu ali i tešku funkciju, s puno odgovornosti”, rekao je donedavni predsjednik Austrije Heinz Fischer na svečanosti u predsjedničkoj palači u Beču.

Dosadašnji direktor austrijskih državnih željeznica prisegnuo je kao novi austrijski kancelar nakon što je SPO odlučio da će on zamijeniti Werner Fay-manna koji je podnio ostavku nakon loših rezultata socijaldemokrata na predsjedničkim izborima. Kern je upozorio da se SPO i Narodna stranka (OVP) nalaze pred posljednjom šansom za novi početak, jer u suprotnom postoji opasnost da velike stranke nestanu s političke scene.

“Mi ćemo pružiti ruku našim koalicijskim partnerima”, rekao je.

Predsjednički kandidati obje stranke poraženi su u prvom krugu predsjedničkih izbora u Austriji 24. aprila.



## Forum mladih SDP BiH gost sedmog Kongresa Savjeta mladih Demokratske partije socijalista Crne Gore

Forum mladih SDP BiH bio je gost sedmog Kongresa Savjeta mladih Demokratske partije socijalista Crne Gore, za čijeg je predsjednika izabran dosadašnji predsjednik Nikola Pešić.

Delegaciju Foruma mladih SDP BiH su činili Adnan Sobo, Dino Nikšić i Adis Salan, dok su na kongresu bile prisutne brojne delegacije iz regiona i šire.

Obraćajući se delegatima i gostima Kongresa predsjednik Foruma mladih SDP BiH Sarajevo Adnan Sobo je istaknuo uspješnu saradnju dvije mladine i veliku važnost saradnje svih političkih podmladaka u regionu.

„Samo istinska saradnja i povjerenje mladih socijaldemokrata u regionu može biti garant da nećemo ponoviti greške iz prošlosti starijih kolega političara“ rekao je Sobo.

Kongres je pozdravio i predsjednik DPS-a Milo Đukanović naglasivši da ga raduje veliki broj gostiju iz regiona.

„DPS je otvorena za sve svježe i kreativne ideje i dosta je logično da te svježe i kreativne odgovore mora ponuditi vaša generacija. Tako da, morate biti svjesni odgovornosti sa kojom se suočavate danas i u narednom periodu“, naglasio je Đukanović.





FORUM MLADIH

## Forum mladih uputio pismo federalnim zastupnicima koji su bili protiv javne politike „Radno iskustvo svima“

Forum mladih Socijaldemokratske partije Bosne i Hercegovine krenuo je u aktivnost ponovnog sticanja podrške javnoj politici „Radno iskustvo svima“, gdje je svim zastupnicima u Parlamentu Federacije BiH, koji su na sjednici 18. maja glasali protiv toga da se ova javna politika ne nađe na dnevnom redu, uputili pismo u kojem im se iznova skreće pažnja o teškom položaju mladih u Bosni i Hercegovini, a u ovom slučaju, Federaciji BiH.

U pismu, mladi SDP-a upozoravaju kako trenutno brojni mladi ljudi u cijeloj Bosni i Hercegovini izdvajaju posljednje materijalne napore kako bi završili sve svoje fakultetske obaveze, te bili jedan korak bliže sticanju znanja i zvanja na ionako degradiranim i ispolitiziranim visokoškolskim ustanovama u BiH, dok ih s druge strane čeka nemogućnost sticanja prvog radnog iskustva.

Stoga, s obzirom na brojne izmanipulirane konkurse i natječaje, kroz javnu politiku „Radno iskustvo svima“ FOM SDP BiH želi da stvori mogućnost mladim ljudima da nakon završetka školovanja svoje radno iskustvo steknu volontiranjem, da mladi ne bi bili „udar na budžet“, kako se o socijalnim kategorijama posljednje vrijeme priča unutar Vlade Federacije BiH.

Za razliku od penzionera, za koje federalni premijer Fadil Novalić predlaže da se amortiziraju kako bi se riješilo njihovo socijalno pitanje, mladi se ne mogu amortizovati, već će svakog dana svakom zastupniku koji je glasao protiv ove politike ponaosob slati pomenuto pismo, dok god oni ne postupe prema volji svojih građana. Demokratija nije samo svake dvije godine, ona treba uvijek biti prisutna.



FORUM ŽENA

## „Majski susreti“ članica Kantonalne organizacije Foruma žena SDP BiH ZDK

U Tešnju su održani tradicionalni „Majski susreti“ članica Kantonalne organizacije Foruma žena SDP BiH Zeničko-dobojskog kantona kojim su prisustvovali članice iz Zenice, Tešnja, Maglaja, Visokog, Kaknja, Zavidovića, Žepča i Dobojskog Juga.

Osim Kantonalnog odbora Foruma žena SDP BiH ZDK, organizatori ovogodišnjih „Majskih susreta“ su bile članice Foruma žena OO SDP Tešanj koje su ovim povodom iskazale izuzetno gostoprимstvo i sposobnost za organizaciju ovakvih manifestacija. Subotnje druženje je imalo i radni dio na kojem su drugarice Marina Mujkanović, potpredsjednica Glavnog odbora SDP BiH i potpredsjednica

FOŽ SDP BiH, i Dževahira Tahirović, članica OO SDP BiH Tešanj, održale predavanja na teme „Statut SDP BiH“ i „Izmjene Izbornog zakona BiH“. Nakon radnog dijela, prisutne članice su svoje druženje nastavile šetnjom kroz grad te posjetom tešanjkoj Gradini.

Na kraju cjelodnevnog druženja, iskazana je nada da će se i narednih godina nastaviti sa organizacijom „Majskih susreta“ jer su, po mišljenju prisutnih, ovakva druženja jedinstvena prilika za druženja i pokazivanje jedinstva Foruma žena, a što svakako doprinosi snazi i jedinstvu Socijaldemokratske partije BiH.



FORUM SENIORA

## Forum seniora SDP BiH Centar o izbornoj strategiji

Forum seniora OO SDP BiH Centar održao je svoju radnu sjednicu o Izbornoj strategiji Centra za predstojeće lokalne izbore 2016. godine. Sjednici je prisustvovao predsjednik OO SDP BiH Centar Slaven Kovačević.

Nakon dugotrajne diskusije, u kojoj je učešće uzeila većina članova FOS-a, data je puna podrška Izbornom programu, koji je ocijenjen kao realan sa mnoštvom novih elemenata koji će se ponuditi građanima Općine Centar. Forum seniora posebno je dao podršku predsjedniku Slavenu Kovačeviću i rukovodstvu organizacije, koja u prethodnom periodu radi mnogo na terenu, kako bi se što veći broj članova, simpatizera i građana upoznao sa elementima Izbornog programa. U tom pogledu, FOS je ponudio svoj puni angažman u svom domenu i dat će doprinos u realizaciji svih planiranih predizbornih aktivnosti.




FORUM ŽENA

## Forum žena SDP BiH Konjic u posjeti Domu u Stocu

Članice Foruma žena SDP BiH Konjic zajedno sa predsjednikom OO SDP BiH Konjic, posjetile su Dom za socijalno i zdravstveno zbrinjavanje osoba s invaliditetom i drugih osoba, gdje su provele ugodno vrijeme sa štićenicima doma u razgovoru i druženju.

U sklopu posjeta članice su obišle prostorije u kojima korisnici provode vrijeme, a ovo je jedina ustanova ovakve namjene u Hercegovačko-neretvanskom kantonu. Najveća nagrada članicama Foruma žena SDP BiH Konjic bila je radost i oduševljenje štićenika doma. I u budućnosti FOŽ SDP BiH Konjic planira posjete sličnim ustanovama i njihovim štićenicima.



## FORUM MLADIH

## Milionski dugovi, nelegalni teniski tereni i takmičenje za najuredniju sobu

Na žalbe i protest studenata o krajnje neuslovnim studentskim domovima, Studentski parlament Univerziteta u Sarajevu je odgovorio podrškom akciji za izbor najljepše i najurednije sobe. Istog dana kada je predsjednik SPUS-a Haris Zahragić hvalio natjecanje uređenja soba, na adresu generalnog direktora JU Studentski centar Emira Kadrića stigao je zvanični zahtjev studenata za boljim uslovima u domovima.

Studentski parlament Univerziteta u Sarajevu se na ovaj način, drsko i bezobrazno smije u lice korisnicima studentskih domova koji već dugi niz godina trpe posljedice nepotizma, korupcije, kriminala i bahatosti, zbog čega se ovom institucijom početkom godine pozabavilo i tužilaštvo.

Nastojeći smanjiti stvarne poslovne gubitke u analizi ekonomsko-finansijskog položaja JU Studentski centar Sarajevo od 2011. do 2015. godine, iskazujući manje obaveze u bilansu stanja krajem 2014. godine i veći kapital za isti iznos zbog propuštenog evidentiranja kamata i troškova prinudne naplate, ova je ustanova umanjila svoj dug za oko 1,2 miliona KM, dok s druge pak strane, stvarni dug prema podacima Kantonalne porezne uprave Sarajevo iznosi preko 6,7 miliona. Očito je kako je primjetna veća likvidnost od prikazane, u kojoj je nelikvidnost cca. 6 061 607 KM, dok se zvanični finansijski izvještaji ne dostavljaju Skupštini Kantona Sarajevo. Dokumentacija je dostupna na internetu.

Uvidom u zvanične dokumentacije svjedočimo da se ne zna ko se više trudio da podigne studentski standard. S jedne strane SPUS koji je za te potrebe izdvojio 50,00 KM (finansijskom izvještaju SPUS-a za 2012-13 godinu), ili s druge strane Kadrićev Studentski centar kojem je evidentiran dug od 164 166,93 KM za izgradnju teniskih terena.

Javnost vjerovatno neće iznenaditi informacija da su pomenuti teniski tereni izgrađeni bez urbanističke i bilo kakve druge dozvole, ali nesumnjivo su korisni za lične interese i potrebe direktorovog sina, inače člana UO Sportskog društva „Bosna“. No, tu nepotizam u ovoj ustanovi ne staje. Prema zvaničnoj izjavi direktora, dostavljenoj Skupštini Kantona Sarajevo u januaru mjesecu ove godine, u JU Studentski centar rade još i Kadrićeva kćerka, snaha i bratić.

Studentski standard ne smije da se svodi na konkurse i nagradne igre kako bi se zamaskirali problemi neuslovnog stanovanja i smještaja u ovoj ustanovi, baš kao što se SPUS ne smije svoditi na turističku agenciju i povlađivanje vlastodršcima. Smatramo da se aktuelna Vlada Kantona Sarajevo nedovoljno bavi problematikom studentskog centra, zbog čega ćemo putem zastupnika u Skupštini Kantona Sarajevo intenzivirati raspravu o ovoj temi. Forum mladih SDP BiH Kantona Sarajevo će i dalje ulagati napore sa ciljem poboljšanja studentskog života i standarda u Sarajevu.



FORUM SENIORA

## Prava svih penzionera pod jednakim uslovima

Aktuelni penzioneri ne smiju biti kolateralna šteta reforme PIO, te se Zakonom moraju osigurati prava i dostojanstvo života po osnovu uplaćenih doprinosa pod jednakim uslovima i na principima slobode, jednakosti, pravde i solidarnosti i za buduće i aktuelne penzionere, poruka je Javne tribine održane u organizaciji Foruma seniora SDP BiH u Mostaru.

Nakon što je predsjednica FOS-a Suada Hadžović, prisutnim prezentirala sadržinu Nacrta zakona sa posebnim osvrtom na odredbe koje se tiču provođenja smjernica iz Strategije refome PIO i neke socijaldemokratske pogleda na predloženu penzionu politiku predsjednika Savjeta za ekonomski razvoj SDP BiH Ante Domazeta, uslijedila su brojna pitanja i komentari učesnika Javne tribine.

Aktuelni penzioneri sa punim penzijskim stažom su s pravom očekivali da će njihov doprinos novim-reformskim zakonom, biti adekvatno valoriziran i da će se prema njima ispraviti dugogodišnja nepravda koja im je nanesena parametrijskom reformom 1999. i 2000. godine, te da će implementirati opredjeljenje Strategije u pogledu osiguranja adekvatnosti penzija i bolje socijalne i materijalne sigurnosti aktuelnih i budućih penzionera.

Zakon se prvenstveno odnosi na promjenu načina obračuna penzijskog osnova u budućnosti kroz bodovni sistem, dok se aktuelnim penzionerima prava obezbjeđuju i dalje u dostignutom iznosu posljednje isplaćene penzije i neće se ponovo određivati, čime se kreira nejednak položaj penzionera u sistemu PIO.



FORUM ŽENA

## Forum žena OO SDP Novi Grad Sarajevo podržava Editu Sulejmanović

Forum žena (FOŽ) OO SDP Novi Grad Sarajevo održao je sastanak na kojem je okupljenima predstavljena kandidatkinja za načelnici na predstojećim izborima Edita Sulejmanović, kao i ostale kandidatkinje sa liste SDP-a za Općinsko vijeće. Edita Sulejmanović je brojne članice FOŽ-a ukratko upoznala sa Izbornim programom OO SDP-a Novi Grad Sarajevo, te istakla namjeru jednog potpuno drugačijeg pristupa rješavanju problema lokalne zajednice.

“Mi žene smo senzibilnije, sklone kompromisu i razumijevanju, pojasnila je Sulejmanović dodavši da svi članovi partije, uključujući i članice FOŽ-a, svojim prijedlozima i idejama moraju doprinijeti aktivnom razvoju Izbornog programa koji posvećen smanjenju broja nezaposlenih i pokretanju ekonomije”, rekla je Sulejmanović, koja se ssvrnuла i na položaj žena i zastupljenost na pozicijama načelnica u općinama širom BiH.

“Od 139 načelničkih pozicija u BiH, svega pet žena trenutno obnaša ovu dužnost, u FBiH svega dvije žene, tako da je situacija poražavajuća”, podvukla je Sulejmanović.


Na sastanku je data puna podrška Editi Sulejmanović i ostalim kandidatkinja sa liste SDP-a za Općinsko vijeće Novi Grad Sarajevo, te je istaknuto da je cilj da što više žena sa liste bude izabrano u novi saziv Općinskog vijeća.



Okrugli sto Forum-a mladih SDP BiH Bugojno

Forum mladih Socijaldemokratske partije BiH Bugojno organizovao je okrugli sto povodom Dana mladosti na temu „Mladi-izazovi i perspektive“.

Na samom početku prisutnima se obratio predsjednik Foruma mladih SDP BiH Bugojno Mirza Ahmetović, te je tom prilikom istaknuo da je Dan mladosti simbol boljih vremena i boljeg položaja mladih. Ovo je prvi put da je jedna organizacija koja okuplja mlađe ljudi u Bugojnu pristupila ovoj problematici na ovakav način. Učesnici Okruglog stola saglasni su u tome da se mlađi nalaze u jako teškom položaju. Neki od uzroka nezavidne situacije u kojoj se nalaze mlađi ljudi su nedostatak strategije i inicijative za rješavanje ovog problema, nepostojanost pravnih okvira koji bi regulisali položaj mlađih ljudi, te inertnost. Učesnici okruglog stola su izrazili zabrinutost zbog podatka da je čak 68 posto nezaposlenih mlađih ljudi. Također, alarmantan je podatak da bi 3 od 4 osobe napustile Bosnu i Hercegovinu. Rezime okruglog stola je bio da mlađi ljudi trebaju uzeti aktivno učešće u rješavanju svog teškog položaja kako bi se obezbijedili budućnost kakvu i zaslužuju.



### Fadil Banjanović - Bracika (1962-2011)

Fadil Banjanović je rođen u Kozluku 1962. godine, a smatra se pionirom povratka u istočnu BiH i Podrinje. Poznata je njegova povratnička parola "Vraćamo se pod šljivu ako treba". Bio je član Predsjedništva, Glavnog odbora Socijaldemokratske partije BiH i predsjednik Regionalnog odbora SDP-a Zvornik. Bio je i delegat u Vijeću naroda Republike Srpske, dok je obavljao i funkciju pomoćnika ministra za obnovu, razvoj i povratak u Vladi Tuzlanskog kantona. Zbog svoje humanosti više puta je nagrađivan, a najdraža nagrada mu je bila titula počasnog građanina Kozluka. Bio je poštovana politička ličnost kako u RS-u tako i u FBiH te u cijeloj državi.



### Jozo Križanović (1969-2009)

Jozo Križanović rođen je u Vitezu, dok je gimnaziju završio u Travniku 1963., a diplomirao je 1969. godine na Mašinskom fakultetu u Sarajevu. Magistrirao je 1982. godine organizacione nauke na Mašinskom fakultetu u Sarajevu. Tokom svoje karijere Križanović je obavljao dužnosti predsjednika Općine Novi Travnik (Pucarevo) od 1983.- 1984. godine, predsjednika PO SOUR Bratstvo od 1989.-1991., te funkciju generalnog direktora PS Bratstvo u periodu od 1991. do 1993. godine. U SDP BiH je obavljao mnogobrojne partijske funkcije, a između ostalog bio je i član Glavnog odbora, te potpredsjednik SDP BiH. U martu 2001. godine Križanović je ispred SDP BiH postao hrvatski član Predsjedništva BiH, a predsjedao je Predsjedništvom od maja 2001. do februara 2002. godine. Nakon odlaska iz predsjedništva pa sve do smrti Jozo Križanović bio je zastupnik i predsjedavajući Kluba zastupnika SDP-BiH u Zastupničkom domu Parlamentarne skupštine Bosne i Hercegovine.



### Božidar Matić (1937-2016)

Božidar Matić je rođen 1937. godine u Bogatiću, Srbija. Osnovnu i srednju školu završio je u Visokom. Elektrotehnički fakultet Sveučilišta u Zagrebu završio je 1960, postdiplomski studij na Elektrotehničkom fakultetu Univerziteta u Beogradu 1963, a doktorirao je na Univerzitetu u Sarajevu 1971. godine i stekao zvanje doktora tehničkih nauka. Obavljao je još i funkcije rektora Univerziteta u Sarajevu (1981–1985); Državnog federalnog ministra za nauku i tehnologiju (1986–1989), kada je organizirao Savezni komitet za nauku i tehnologije; zatim je obavljao funkciju predsjednika bh. Nacionalnog komiteta Međunarodne elektrotehničke komisije (IEC) (1996); predsjedavajućeg Vijeća ministara BiH (2001); predsjednika Upravnog odbora Agencije za privatizaciju u FBiH (2002–2005); izabranog predsjednika Ekonomsko-socijalnog vijeća FBiH (2002–2009); predsjednika Savjeta Privredne komore Kantona Sarajevo (2002) te predsjednika Savjeta za nauku Kantona Sarajevo (2004–2008). Za dopisnog člana ANUBiH izabran je 1984, a za redovnog 1995. godine. Bio je predsjednik ANUBiH od 1999. godine do 2014. godine.

## SJEĆANJE NA PREMINULE ČLANOVE I ČLANICE SDP BIH IZ LOKALNIH ORGANIZACIJA

**Begovac Ešref** (1952-1997) Travnik  
**Đulić Ismet** (1946-2015) Gračanica  
**Kurtagić Jagoda** (1950-2016) Stari Grad Sarajevo  
**Lovrinović Branka** (1962-2013) Travnik  
**Ljubomir Živanov** (-2016) Bugojno

**Naimkadić Ćamil** (1937-2014) Gračanica  
**Mulahalilović Mehmed-Meša** (1929-2014) Travnik  
**Selimović Muhamed** (1947-2009) Gračanica  
**Spaho Edin** (1944-2016) Stari Grad Sarajevo  
**Šimić Marko** (1942-2016) Bihać



# ISTINA ILI IZAZOV

**Piše: Damir Filipović**

**Istina ili izazov? Svaki dan postavim sebi to pitanje i razmišljam da li može biti bolje? Da li možda napustiti BiH? Ili možda prihvati stanje i nastojati ga mijenjati?**

**Ovako ću da odgovorim na ova pitanja: „Nisi izgubio, kada gubiš, nisi izgubio kada ti drugi kažu da jesi, izgubio si tek onda kada odustaneš!“ E ja neću odustati, jer ne volim da gubim, a ne bi trebali ni ostali mladi!**

Kao djeca igrali smo se igre „Istina ili Izazov“, igra je bila aktuelna devedesetih, ali evo i danas.

Devedesetih sa početkom sukoba u regionu građanima je ponuđena istina ili izazov. Istina je suočiti se sa stvarnošću da su pale maske pojedinaca i da je krenuo komšija na komšiju, pa stati u odbranu zemlje ili ipak prihvatići izazov i otići glavom bez obzira u nepoznato kako bi se spasio.

Danas 21 godinu nakon okončanja sukoba i dalje je igra aktuelna, ali danas je istina ponovo prihvatići trenutno stanje, prihvatići laži, obmane i prevare, prihvatići podjele i sve što nam nameće sistem i aktuelna politička elita ili prihvatići izazov i otići trbuhom za kruhom, u potrazi za boljim životom.

Prije nekoliko dana jedan portal objavio je podatak da je u 2015. godini Bosnu i Hercegovinu napustilo 80.000 mladih, u što ne sumnjam. Aktuelni premijer Federacije BiH, Fadil Novalić je u jednoj televizijskoj emisiji izjavio kako neki mladi odlaze iako imaju dobre poslove, citiram: „To im je izazovno. Naš je zadatak da im omogućimo da ovdje rade, a na svakome je hoće li ostati ili otići. (Istina ili izazov) Život je lopta šarena, a to posebno važi za mlađe ljude!“ Pa stvarno se zapitam gdje ide ovaj svijet, u moru izjava koje je imenovani izjavio, ovo je da se čovjek zapita da li smo mi svi maloumni, kada neko ko nosi javnu funkciju, kao jedan od najdovornijih ljudi u državi ima ovakve izjave.

Floskulu „Mladi su budućnost!“ možemo dopuniti i ona bi sada glasila „Mladi Bosne i Hercegovine su budućnost zemalja Evrope i diljem svijeta!“

Ponudili smo rješenje prvog radnog iskustva bez manipulacije vladajućih struktura sa mogućnošću da svaki mladi čovjek dobije prvo radno iskustvo i bude konkurentan na tržištu rada, ali Zakon o izmjeni i dopuni zakona o volontiranju nije dobio ni priliku da se o njemu rapravlja. Rekli su da je zakon dobar, ali ne treba se naći na Dnevnom redu sjednice Parlamenta FBiH. Zašto!? Zato što je inicijator FOM SDP BiH. Gospodo, politička borba se ne vodi preko leđa građana, a pogotovo ne preko leđa mladih, koji su osnovni stub društva, da prave revolucije i mijenjaju vlast.

Istina ili izazov? Svaki dan postavim sebi to pitanje i razmišljam da li može biti bolje? Da li možda napustiti BiH? Ili možda prihvati stanje i nastojati ga mijenjati?

Ovako ću da odgovorim na ova pitanja: „Nisi izgubio, kada gubiš, nisi izgubio kada ti drugi kažu da jesi, izgubio si tek onda kada odustaneš!“ E ja neću odustati, jer ne volim da gubim, a ne bi trebali ni ostali mladi!

P.S. Napisaću jedan malo izmijenjen vic, koji oslikava našu stvarnost!

Uhvatili divljaci mladića iz BiH i stavili ga u kazan da se kuha. Pitaju ga divljaci ima li koju posljednju želju, on odgovara da nema želja, ali ima pitanje.

Divljaci: Pitaj!

Mladić: Imate li vi ovdje Dodika, Izetbegovića, Čovića, Bosića, Cviljanovićku, Novalića...itd?

Divljaci: Nemamo !

Mladić: Pa od čega ste podivljali ?



# PRISTUPNICA

Aplikaciju je potrebno popuniti čitko, štampanim slovima. Sa \* su označena polja koja je potrebno obavezno popuniti.

## 1. LIČNI PODACI

Prezime*	
Ime*	
Pol*	
Datum rođenja*	
JMBG	
Broj lične karte	
Nacionalnost*	
Državljanstvo	
Bračni status	

## 6. PODACI O OBRAZOVANJU

Stručna sprema*	
Zvanje / titula	
Zanimanje*	
Oblast zanimanja	
Poznavanje jezika	

## 7. RANIJI POLITIČKI ANGAŽMAN

Naziv političke stranke u kojoj ste bili član/ica	
Pozicija u stranci	
Period članstva	

## 8. ČLANSTVO U INTERESnim OBЛИCIMA ORGANIZOVANJA SDP BIH

Forum mladih	
Forum žena	
Forum sindikalnih aktivista i aktivistica	
Forum seniora / senioreki	

## 9. VIDOVI ANGAŽMANA ZA KOJE STE ZAINTERESOVANI

<input type="checkbox"/> djelovanje u zakonodavnoj vlasti	
<input type="checkbox"/> djelovanje u izvršnoj vlasti	
<input type="checkbox"/> razvoj i organizaciono jačanje SDP BiH	
<input type="checkbox"/> profiliranje politike i stavova SDP BiH u oblasti (upisati)	
<hr/>	
<input type="checkbox"/> drugo (upisati)	
<hr/>	

Mjesto i datum

Potpis člana / članice

sloboda, jednakost, solidarnost

**GLAS SLOBODE**  
**ГЛАС СЛОБОДЕ**

Zvanični list Socijaldemokratske partije Bosne i Hercegovine  
Званични лист Социјалдемократске партије Босне и Херцеговине



## IMPRESSUM

**UREDNIČKI KOLEGIJ:** Vedad Hajdarević, Malik Garibija, Denis Vrhovčić, Vesna Bukvić, Adnan Sobo

**DTP:** Adi Kasumović

**Fotografije:** Nino Maričić

**E-mail:** informisanje@sdp.ba, desk@sdp.ba